



黃山志續集卷六

汪志遠靜夫



新安

汪士鉉扶晨

吳瞻泰東巖纂次



汪樹琪玉依

賦詩志

孫

默

無言
存菴

湯泉

軒轅駐黃山山靈供湯沐一窟滙泉香氛氲氣何燠石
火誰為炊億年泉未熟溪流冷如雪相隔僅一掬此炎

而彼寒鍾異何其獨因熱得清涼浣濯任往復苔花繡
石紋畧不懼炎煇浮珠競出泉翻新以去宿閱盡古與
今清徹仍如昱陋哉求仙人不於茲聚族徒然香海中
擾擾矜避穀

自慈光達文殊院

爲山發奇想境境蓄奇心方寸山萬狀酬我恐未淡逐
趾備揣摩檢較諸岩岑山靈善變遷倏忽出嶮嶽一以
靜取之不盡在登臨寒雲恣俯仰喧風生潮音松髯拂
籜冠石齒鈎荷襟枯槁戀煙霞勝賞情不禁縱目曠新

眺觸岫來謳吟

由龍蟠石至小心坡

策杖問山雲數武幾百折一徑一幽森日光以寒冽山
花破石開紛繁燦朝雪巨石若龍蟠對之不敢媒形影
盡青碧曦暘半明滅全向石心中左提而右挈冷然挹
冰霜身輕意俱潔

由蓮華洞過貝葉菴

萬木響洞巖古苔山徑澁亂流奔有聲寒雲相習習迴
然別出奇惟恐他山襲刻露聳霄峰奇石迎人立海嶽

如縱觀豈復但長揖我來對靈境恍惚奇思集磬發度
遠林穿煙排石級孤僧定蒲團就憩解箬笠

登軒轅煉丹臺

仙臺俯衆山秀削雲中展披綦得微徑蒼綠分苔蘚緬
懷煉玉人巍峰擁蔬冕鸞鶴旣舒翎旌幢猶導輦彷彿
列羽衣層霄侍丹篆春山開黛眉若備宸闈選縹緲競
新粧煙霞族婉孌神踪不可攀靈異猶堪闡孤雲岩際
飛悠然自舒卷久立嵐翠滋芒鞋濕重繭我來結一廬
昏朝依絕巘長物何所携雲中挈雞犬

王恭徵

蘆人

和恒師寄開黃禪院

扣角歌三生別刹那又是中和節纔羨春風春草芳鶉
鳩不比流鶯舌欲恁說莫恁說上窗昨夜三更月荔枝
生剝向人吞却來歲暮作行客輓轡車幾時歇蘇娘織
錦文千疊天津橋上弄胡孫一出六出無人徹明眼人
不蚤决鐵圍山畔文殊隔鷓鴣啼雨向石頭泥滑聲聲
行不得劊子手要剛烈肥漢不剛尋瘦劣鷄子高飛過
新羅兔落狐場做人傑活厮埋枉白業濕哭乾啼止黃

葉幾度洞山投子來草鞋踏破何關切黃海雲丹臺雪
爐炭鑊湯好避熱爲囑赤梢金鯉魚壘甕莫淹負往哲

再和

南嶺雲北山別天涯誰憶來時節纔說桃花面發紅寒
枝落盡歸無舌三世因彈指說小慧誤看第二月役車
休盡夜行人芒鞋還有宵征客門前路勞不歇荒雞促
客愁千叠饋漿讓席動人天道眼還嫌念未徹新婦禪
勿輕決十地聖賢羅縠隔錦帳真珠未撒伊狗看油鐺
甜不得掣電機最迅裂瓜頭有土因緣劣三度霍山幾

退牙等閒未許作時傑要安心竟勝業洞庭波時脫木
葉鑽火蓬蓬不遇煙質衣儻屋情空切黍谷風洪爐雪
殿閣微涼正蔭熱團瓢萬里草漫漫辨香何處宗先哲

王基劉

爰衆

五黃海別林篁有

初我試啼時聞君髮覆眉君能賦動靜我則辨無之託
身孔李歡蚤識元紫芝雉鳥何先鳴使我衆芳夷廿年
纔一見相對各疑蚩似抹從前好龍劍作新知連臂過
軒山天風吹面髭正目觀巨海江黃海色驚捫心同一

驚誰念使君台丈夫乘風波粼粼不有涯東野已爲龍
而我未角螭長嘆起五岳青天濶我私君又吳山去何
以慰相思與君若羅浮風雨常合離莫辭十日飲還繡
平原絲

王壽徵

作人

小心坡二松

俗呼把門松

相對如共語倚石太箕倨歛袂一揖之讓我登峯去

臥龍松

羣公多挺立汝老獨高眠龍性懶如此睡來不記年

倒掛松

天矯自天下暫息還欲奔莫作顛倒觀負此向上根

接引松

人自望崖還固非祖師意我欲撒手行請君試收臂

達磨石

俗呼達磨問路過此卽海子矣

師從海中來還是渡海去此間無蘆枝松枝聊贈與

石鼓峯

石鼓憑虛架萬年不作聲我有雙捫搥擊之恐人驚

獅子峯

在文殊院後

拳然獅之兒勢欲破空走前向是文殊能吼一聲否

羅逸

遠游

登容成臺

陳迹溪山間向慕已久矣今茲共五人登臨自此始帽
頂拂松髯衣裾鈎石齒冷翠含日光蕩漾空流水徒有
容成名不見容成子古人豈不死古人欺我耳

邀瀑軒

此水欲粘天氣勢不肯下萬山勒迴之使其強傾瀉宛
然雙白虹迅溜猶顧藉激石作吼聲聲徹晝夜倏隱

又倏來却自神而化平軒正可邀供客時宜詫是供真
罕稀乃可稱無價客欲以詩酬把筆復還罷

同鮑元則余掄仲無隱登黃山

補天餘煨紛雜糅色豳氣紫質癯瘦豎者因爲千仞峯
欹則爲巖疊爲岫爲誰又廢巧雕鏤縱有聰明莫悉究
每拉友朋一探討眼正歡忻脚詛咒形神應接不得閒
攀枯踐朽忘顛覆一死僅能償一遊死於牀第何其陋
或言五嶽謾稱尊若令相見當臣伏又云人生難得到
蓬萊未必奇與斯奇鬪因而艾艾向人誇人多大笑憎

我謬赧面煩心倩筆摹筆自跳浪心馳驟幾欲揮成又
失之潛搜暗索不復覲假使作記如柳州此山一字亦
難構

看松

平生眼底真希有大叫奇哉不住口鬼區虎穴潛搜求
何曾見此蒼髯叟屈盤百結伸挈雲奮怒摩空常抖擻
何來相伴石芙蓉猶有女媧繡蚪蚪土花剝蝕苔花香
函清撼碧癡龍吼欲倩乘之上太清倒翻銀浦揚箕斗
纖條摧碎霹靂鋒短鬣鞭笞山鬼走故爾不染秦皇汗

亦幾半落村夫手生當願與久周旋整冠披衽長稽首
誰似可憐一片心直是晨朝看到酉夜歸猶似期夢遊
月在稍頭吾在否

同郝公琰曹野臣黃山道中

屈曲傍溪流識是黃山道竹影點苔花松濤泛雲藻野
翠孕村烟過雨競奇好始記芙蓉巔夢裏曾探討

喝石居在蓮花峯下余曾數過賦贈照公二首

不住青蓮蕊應從碧藕梢神通聊喝石自在便依茅鵲
候炊烟下魚當念佛敲因師曾數過故熟此山坳

乞食何嘗出朝炊實未曾焚香尋宿火汲水待敲冰屋
角松將化峯頭石欲崩人誰無怖畏只一照公能

余掄仲偕弟無隱在藥谷讀書詩以寄憶二首

每羨時相併此間多勝情日光翻竹影潭響雜松聲伴
古書爲友呼奇石作兄茶煎旋汲水一啜有餘清
久並忘寒暑還相謝淡濃破苔非俗屐敲戶只僧筇風
作顛狂瀑雲分細碎峯記曾經數宿莫是去年冬

鮑元則別去十年餘矣忽於黃山見之詩以志喜

二首

會晤因開塞登臨却破荒鬚眉松鬪古骨氣石爭強史

注一瓢異

時鮑出新著瓢
史等書以示

笠編千葉香胡爲多韻事事

事有平章

見稀頻跳笑話久襟吟哦老近顛猶在詩新草更多有
山皆剔歷無石不摩娑况復清秋日其於快若何

初入藥谷

路絕還從石竇穿人疑蛻化境疑仙若言蓬島猶奇勝
自是當時語浪傳

雲窩

黃山一
靜室也

插天山嶽染雲烟山外雲窩只數椽每日種雲山頂上
山翁宜號作雲仙

殘更缺月朗於晝山寺松窗亦掩關三十六峯峯頂上
合無塵夢到其間
謫仙一去無消息又向祥符坐月明洞上冰簾環珮落
恍疑天半響瑤笙

三更月上萬松巔彷彿仙人躡紫煙如此名山如此月
潭中不負老龍眠

汪士鉉

栗亭

己巳重九日賦送雪莊大師入黃山

重九正好秋山遊是佳候崖壁爭開張削出天外秀支
筇眺危岷雲氣工雕鏤參差歷層疊彌漫橫衆歛亂葉
隨仄步淙琤響清溜推扞豁胸眼應接疲脛踉躄攀躡
登閣凌倚立癯瘦泉香滙丹砂湫冷匿陰罍蒼蔭闕光
芒趨騰躁猿狖飛橋架層霄危梯入懸竇共疑騎日月
自可摘星宿嶺嶠炫精神雷霆走呵詬開展羅劍戟攢
聚森介冑蟠蛇驚遊龍迸落企搏鷲嶮巖彌妥貼竦拔

逾輻輳海門看清霽天風縱騰糅排翰亂雲飛軒昂光
氣湊倏忽變雲物俄頃分宇宙蹴踏駭波濤澄觀紛篆
籀搜奇細入詩余言庶非謬

登王煒鹿田

喜雪莊大師自采石松巢來遊黃山

淮海流中現一波荷瓢肩笠任婆娑春山夜雨探薇蕨
秋水晴霞臥薜蘿坐破蒲團無影駐拖殘榔櫟絕痕過
昨從采石談黃岳不負茲辰共嘯歌

汪來鳳

雪公大師自采石策杖來遊黃山

榮枯總不聞塵世任紛紛看瀑衣霑雨尋松笠載雲江
干來幾日峰頂坐斜曛嬾性如鷗鳥忘機信未群

吳啓鵬雲逸

山侶上人冒雪來因寄雪莊大師四首

一僧穿雪出褁凍到柴扉冷語驚人處孤燈照客微寒
香結眉宇積翠滿衾衣寂寞生奇趣翻令逸興飛
鐵鞋登眺慣踏雪可相宜撥杖選幽石敲冰繼絕歛晴
泉松下咽凍雀竹根窺自有看山識探尋應不遺

芙蓉玉成樹石筍碧叅天法界繁華地生涯冷淡邊傍
松支籜屋呵筆出雲烟此境煩師寄携將草榻懸
饑驅逼人去遲我是梅花予將江行不果日東香全列月明影
半斜幽懷抱麋鹿隱疾在烟霞立雪嗟何所扶筇望白
沙

僧普信 師古

依原韻柬雪莊大師

黃澗深深豈易探每從北嶺羨飛嵐有疎音問年將隔
不睹芝眉歲已三雲舫幽懷應自得阮溪孤寂向誰叅

多情染翰兼新句捧讀何如覲面譚

方士炳

欲到雲舫雨阻獅峰一律寄雪公

躡屐登臨處沉沉大海中流雲封始信各落日照皮篷
披盡奇峰雨難逢高士容長吟詩一首彷彿話清風

朱絃

過雲舫呈雪莊和尚

花塢仙源石磴幽客心思與白雲留誰知六六峰邊路
一舫看雲在上頭

姚有綸

芝圃

壬申秋九月訪雪莊和尚四宿雲舫

我來聽法不求仙
四日偷閒豈偶然
古佛肯留清淨界
他年欲託了塵緣

入山今日始云淡
叅透生公說法心
能住此中塵隔斷
縱然頑石也知音

沈嗣鄴

衡山

信宿雲舫和憶峰上人見贈原韻呈雪莊大師

居山已涉旬奇峰
初染指寒削接雲霄
孤高總堪比一

峰一叫絕遠公應戀此
晨夕狎群峰不復知
誰氏巖石固靈異
松枝亦老矣非公散髮來
竟無一知己余也苦行役
看山興不止相對已忘言
他何足道耳青巒列几席
明月頻窺視潑墨貌奇松
山雲落素紙歎絕詫倪迂
茫然驚賤子指點陟高峰
信宿生懽喜身在白雲中
夢繞黃山裡憶公姿過人
追隨盡奇士天竺古先生
詩篇詎能紀

僧傳遐

柴邨

東黃山雪莊大師

抱疾臥樓頭秋暘曝阡陌忽爾聞來使云是黃山客投
枕憤然起得書如見壁載咏抑載歌烟柳垂垂碧上言
最奇峰嶙峋豈千百日入峯更佳棲鳥鳴嘖嘖岩松怪
且古如龍鬪川澤細者僅數寸巨者高數尺幽居構其
間散髮對晨夕我從五嶺歸遂覓君形跡今始達真意
頓使余懷釋一別十二稔萬事都蕭索又聆山侶言君
首亦垂白刹那歲月遷匪啻駒過隙深羨神骨異貞堅
若盤石悠悠生我心不復迂策杖履來春風準擬天
都役

僧傳本 天根

壬申暮秋接雪兄大師書并黃山圖有作

折柬燈前一解顏恍然令我到黃山松盤怪石蘚苔上
峰削青天几案間語好尤增長別思情真難致寸心閒
來秋莫負西華約竹杖芙蓉再共攀

方浚熊 望子

呈贈雪莊大師

雪公秉微尚丘壑久棲身今望別峰見昔爲太白鄰
詩緣有道愛畫迥無塵也似逢檀度儒冠豈悞人

吳在菘 綺園

入雲舫贈雪莊大師

比丘行脚踪如萍愛此山石長空青
誅茆築堵因掛錫呼吸遂與山通靈
鐘魚敲擊萬峰響誰其伴者楞伽經
精誠能使異類格猛虎不敢留風腥
幾年塵外積夢想一朝着屐扶蒼藤
相看一笑便携手山花滿路多芳馨
我覺心神忽飛動恍如黃鵠舒秋翎
今晨挈伴過蓮葢白雲萬疊鋪滄溟
奇光如鏡攝身影始覺塵世如風燈
彼岸咫尺若可上借師寶筏開沉溟

吳啟元 青霞

歇脚菴贈山侶僧兼寄雪上人

丁峰黃海路歇脚此宜菴竹杖通雲谷
沙田遶佛龕納涼三伏雪清夢九龍潭
信是梅花侶他年喚嶺南

同導僧紫蒼遊黃海登天都峰絕頂

晚共看雲曉共遊探奇直躡白雲頭
君如野鶴橫滄海我愛青天接素秋
霞片忽來衣上落雨絲都向杖前收
何時學得休糧術十岳同登處處留

殊砂泉

混沌蒸元氣陰陽鼓化機香雲流石髓霞彩映山衣一
浴神清絕常吞腹不飢丹砂留紫釜千載未曾飛

老人峰

緝髮而毳翁是何年老學道此溪山當令顏色好如
何餐明霞不返蓬壺巒我倚玉屏笑了髻青童小

登天都峯絕頂

陡絕原無路懸空勢獨尊猿猱過石壁日月到天根古
帝藏書府羣真執玉門洞牀丹竈在至道孰能論
面面蓮花壁煙雲入紫霄歲時仙樂奏風雨鬼神朝豈

有人能到還愁雪未消玉龍天外立我已度長橋
日月真流水虛空兩跳丸浮生何住著碧落只高寒石
榻容孤寢松花飽一餐玉屏三百六遍倚洞門看
此地真靈窟朝元聚萬仙出塵應有骨到者豈無緣明
月竟堪把秋風已颯然茫茫天宇近消息不能傳
天風吹我去忽到此峯頭洞府羣仙隔岷江一線流浮
沉悲陸海猿鶴嘯高秋自晒成迂拙蟲吟苦未收
千峯排玉筍一杖任孤行獨立仙人掌疑過化國城晚
雲堆雪浪冷聲助秋聲欲下厓門去蕭然百感生

天都峯采松歌
三浴天池水一踏天都峯天都峯頂妙奇絕亂石架疊
高龍從我騎白龍脊下視千峯萬峯清歷歷橫空飛上
軒轅臺丹牀截日天門開我欲排雲叫閭闔玉宇高寒
歸去來歸去來拾瑤草和香和露栖雲島羣仙許我逍
遙遊芙蓉面面清秋曉

鋪海

溶溶飛絮堆空起縵轉山腰旋脚底犀尖幾點黛螺青
西望峯攢尚如薺天地變幻只倏忽山化白雲雲化水

宇宙之事亦大奇反覆掀騰何所止亦如此際瀆臾間
千巖萬岫平如砥金盤磨盪邊色黃碧落重霞光透紫
雪山滾滾風勢高吹出峯頭復峯尾蓮花又插青天裏
蓮花峯

四圍青削地一朶一層雲片石皆秋色寒山空夕曛玲
瓏穿洞眼仄疊見峯紋不信飄零客真如鸞鶴羣
坐蓮花峯頂有所思歌

屈宋風流不可見謝眺已去太白死空留一掌蓮花峯
待我秋來獨高倚蓮花瓣瓣青插天蓮花朵朵雲根紫

四洞絲穿菡萏心半池香浸芙蓉嘴更有一蕊在峯前
亭亭直上清霄裏我東望岱嶽嶽氣蒼茫橫海角我西
望秦州黃河一線天上流北望渾同復衡霍峨眉縹緲
青天落此峯只讓仙都峯雲表天然自秀削人生百歲
能幾何歡娛何少憂何多我有數詩友搥筆潑墨煙雲
走布衣徃徃傲王公自吐光芒射星斗又有淮南大小
山讀書好客無時間丹霞海上瓊花樹紫府仙中玉筍
班一別梁園成契濶秋來百感傷離索空山無人儔侶
稀石楠花落我將歸浮丘容成向我笑笑我獨坐吟清

暉天涯比隣有嘉客何不邀來共瑤席今宵月白風復
清可以據石狂歌嘯天碧

煉丹臺

虛無千古事寂寞煉丹臺一片斜陽裏孤雲捲石來

獅子林

孤雲滿寒山落葉空林走唯聞烏夜啼不見獅子吼

石丈峯

石丈無冬春散髮復露頂山中臥白雲天地卽衾枕

後海

皎日清秋望海門碧羅谿外亂峯蹲平空拔地撐天頂
忽爾穿雲見石根秋氣早生松谷寺水聲流過白沙村
分明不是人間世毛女何由寄一言

白谷秦州小有天仇池聞說絕人烟好山好水似荒域
奇石奇松盡眼前一片丹霞紅葉樹滿空飛瀑亂巖泉
我來但願爲傭作手種梅花當種田

一杖探奇興未孤橫穿松谷到洋湖青天似喜碧空盡
雲氣遙看絕島無鴉背晴翻烏柏葉鷺肩寒聳綠菖蒲
溪林復向山腰出步步秋陰入畫圖

從始信折向東澗往皮篷訪雪莊上人

皮篷今名雲舫

千盤穿石磴一杖到皮篷祇訝高雲外翻來亂壑中鳥
聲寒谷集人影暮山空此際出塵思捫蘿問遠公

自雲舫至雲谷雪莊大師新種梅花幾二十里汪
扶晨先輩賦詩十首并徵同人和詩贈之因次

元韻

冰雪凍荒雲谷路空山絕壑最宜梅况經亂水下松澗
湏遣寒香護石臺高鼓玉琴調白鶴背携書卷立蒼苔
他時一望花成海誰信珠林是手栽

新籬近喜谷雲平帶雪高枝寺角晴最好吟肩常鶴聳
生來野性與花盟紆回石礪經行慣寂寞冰花照眼生
從此荒寒亂谿壑有人吹笛似雙成

空谷遙傳白雪音
芒鞋竹杖許相尋
巖巒一旦闢生面
冰壑數花含古心
恨未棄家來靜對
那能清夜不狂吟
誰云佛地多枯寂
廿里香光動玉林

南巖北澗盡奇芬
標格天然自不群
明月到來渾是雪
好花吹去化爲雲
清狂此際無如我
靈谷他年半屬君
總領春光須慧業
歲寒幽事肯平分

崎嶇澗壑種來難
縹緲真能作大觀
清夜自應添鶴夢
閒情不用寄漁竿
牕疑積水搖虛影
飢嚼堅冰當飽餐
莫如遠公消受極
新詩字字已吟安

林壑花時盡玉峰
寒雲冷谷一聲鐘
亂山暮雪有千片
落日春陰無數重
掛水青猿來斷壁
辭巢白鶴下高松
濛濛寺角冰霜外
月好僧閒住短筇

從來野性愜山居
自笑溪邊迥不如
冰盡片飛銀蛺蝶
月明香浸玉蟾蜍
何妨午爨經旬斷
只愛晴窗徹夜虛
吟了一春無箇事
等閒花課付垂魚

花前曳杖每間行詩思寒山入骨清大雪一冬封石壑
生香十里到柴荆巖穿皓月微茫影樹斷冰淅淅瀝聲
後海路迷雲谷絕此時獨立不勝情
衆峯迴合海門東一枕晴窗射日紅萬嶂瑤花冰錯落
千林瓊樹月玲瓏吟來白雪眞高調春破寒香信化工
莫訝廣平本仙骨前身原在蕊珠宮
宇宙奇觀是此山老僧種樹復高間羅浮近接諸天界
摩什應歸紫府班鐵幹不隨雷雨去褊衫常帶霧香還
朝廷再召參寥子只在珠林雪海間

洪力行

待臣

白龍潭幽居

同兄雨平

飛泉何蜿蜒奔赴碧潭中不知白雲外穿歷幾芙蓉松
葉四時濕一望影菁葱吾廬枕潭上曉夜游鴻濛霆聲
震百卉雨色來千峯時哉今未逢淡潛依白龍

又

幽禽聲漸和振羽飛參差朝來山頂望春到今始知晴
光在綠野淑氣生茅茨紅塵一溪隔春水碧漪漪片片
浮水面桃花幾千枝小閣桃花中紅霞照鬚眉蒼苔積

花片呼童掃魚磯蓬門晝不掩倘有漁郎來
入山何所携琴書夙所好書授陰符經琴彈水仙操夜
淡燈火微山月一相照隱隱縹緗外願言究其要朝隨
鹿子游采藥入山奧回頭迷失道空谷起長嘯

放猿歌

洗心菴有猿失子悲號樹頂聞之心慟因贖而放之

孤猿嗷嗷徹夜啼往來懸崖聲恹悽山人久已忘世機
聞此雙淚霑裳衣問猿底事腸欲斷念我小猿新失伴
秋日照耀寺門瓦僧雛束縛戲崖下我携兄弟浴清湍

急以金錢贖之還老猿抱持泣空山喜極翻令我心酸
骨肉始析終團圞群猿相賀鳴樹間白龍潭水流潺潺
洗心到此心宜安借問胡爲慘不憚母恩欲報真無極

鳴絃泉

若有人兮坐天外而橫琴我不見之兮但聞高山流水
之徽音一彈再鼓兮思睿然以淡春水初生兮夏木森
森天風海濤兮撼地軸而翻日輪鼓霹靂之引兮鳥悲
號而山林晝冥黃鐘爲宮兮令我魂驚秋風起兮聲寂
寞以淒清霜天皎潔兮孤雁嚶嚶瀟湘萬里兮水碧沙

明夷則爲商兮復澹我以多心延頸四顧兮見石壁之
空青飛瀑落從天半兮擊虛石而流沫淙琤何造化之
狡獪兮旣肖其聲而復肖其形豈必東海兮始移我情
吾師只在此中兮時汪于鼎師
隱居山中願刺齧舟而相迎泉旁
有石

船題曰
齧舟

異光行

施虹玉先生王凡次姊丈同見于文殊院
中

秋雨夜滴空山裏有客夢回驚忽起自言石隙生奇光
彷彿朝暎出海水同眠一客睡正熟呼起同看瞪雙目
初疑驪龍口吐珠波濤倏染紅珊瑚盡大地界惟一色

照人肝膽同眉鬚又疑榴火放千樹萬朶殷紅乍團聚
團聚俄成光五色五色化爲千萬億團圓如月規初滿
從眼辨光光不一隱現俄頃電難擬同眠之客忽驚喜
門閉虛堂日難入一室渾如千萬里大叫一聲光已沉
曉未及收才片畧此地異光常出沒非日非星并非月
仙光佛光攝身光緇流一任神其說石中有火無非稽
山中石骨况嶽崎陰霾愈使光難掩爲告同游莫更疑
光明頂看月歌

九子匡廬江一綫暮靄蒼茫杳難辨颯颯清風衣上生

萬松葉作秋濤聲須臾月輪升海底四山烟霽齊收起
一層峰外一層峰光明盡在水壺裏師友招予坐古松
衣霑蒼翠幾千重九臯鶴唳青霄外天籟何曾世上逢

石筍砭

砭中石拔地起青冥直上三千丈碧玉叢生幾十里人
衣盡染新篁色不知身在石林裡兩目相看到處驚籜
龍無數不知名烟霞有路愁迷失多謝青猿導客行

追酬吳野人程雲家兩先生送予兄弟歸白龍潭
幽居之作

憶昔隨我兄雙拖青玉杖逝將穿雲謁帝閭愛此潭飛
白龍壯飛龍直下三千仞瑤草琪花相掩映清光炯碎
淡難測神物潛藏九淵靜有時白毫光一縷直從潭底
射天宇重雲鬣鬣上下合頃刻人間盡霖雨覩茲變化
在須臾忽悟飛躍由潛初因之結茅潭水上吸漉餐沉
味異書老友吳程忝同志聞予入山謝塵事雙魚腹裏
寄長謠盡是赤文兼綠字羨我高居在翠微門前一對
白鴉飛幾回欲刺漁郎棹携手桃花洞口歸

白龍潭一名桃花源

掃徑期君曾幾日龍蛇應識嗟何及兜率天中結伴還

兩先生相繼而逝 手捧遺篇淚霑臆塵世希聞鸞鳳音天風吹

去杳難尋願將老筆鐫崖石流水高山共古今

寄吳招屈翁山遊黃山字美先河詩云
先臣愛遠遊乘鷺更駮虬苗裔隔千載翱翔仍九州湯
泉應洗髓石罅可藏舟此地有雲海乘桴願共浮

雲海

纔行峯麓又峯巔徑路旋生拄杖前大霧連空俱變海
逢山失影不分天蒼茫月塔峯名尋無處縹緲仙橋峯名望

杳然直到山頭迴首望始知雲葉萬重穿

題業師汪于鼎先生始信峯草堂

千尋鐵壁絕攀緣陡劈雙崖直到天接引竟呼松作佛
到來欲換骨成仙飛梁架木難容足片石爲屏甫及肩
倘便高峰容立雪歲寒應傍擾龍眠

登蓮華峯

昨望金芙蓉分明在霄漢信步行不歇身已到天半

初聞仙樂鳥

何來天上步虛聲六六峯頭奏九成雙耳一時清似洗
始知身已到蓬瀛

携香沙下百步雲梯

一聲長嘯最高峰那識潭邊驚臥龍急下雲梯整雙袖
餘香猶自惹芙蓉

吳嘉紀 野人

送洪雨平待臣昆季歸黃山白龍潭幽居

我聞白龍潭乃在黃山中懸泉蜿蜒嚮潭落彷彿白龍
游碧空竹木溟濛聚水鳥巖巒飄灑吹天風林栖永懷
巢居子瓢飲不見浮丘公伊誰卜宅潭之旁雙扶玉杖
來相羊結侶時與鹿麋偶讀書夜聞蘅杜香北斗挂簷

月當窗山腰四面寒潭光雲馳波漲天地動三十六峰

如舟航回看始信

峯名

翠巖巖汪生

謂于鼎文治時雨平昆玉在于鼎之門

亦有草堂在瘦松屈曲下前厓造物靈奇鍾後海欲招

同心擊缶吟兀坐片石橫琴待一室師徒相授受兩家

兄弟盛文采杳杳武陵安足誇天桃此地明於霞

白龍潭一

名桃橋欹洞口引來屐水到人間流去花我在塵埃髮

已華刺船欲訪幽人家迷津不用停橈問迎客飛飛有

白鴉

送洪雨平待臣昆季歸黃山白龍潭幽居

一松倒懸數千尺身似藤蘿纏怪石有時怒隨雷雨飛

三十六峰腹盡拆洪生兄弟性愛松讀書各據一芙蓉

黃山本是白雲海松樹大小皆神龍羅浮七星松作道

士邀予每道神仙事繇來變化本無情性盡自然天命

至汝輩尋師謂汪于鼎上天都會見軒轅得道無莫浴湯泉

生羽翼且將石筍作樗蒲言兵實自軒轅始八卦神機

連甲子峰峰布列是陣圖白雲出沒爲旗幟陰符不用

更鈎淡象數之中總可尋讀易自應知戰法裁詩且復

遣愁心

錢陸燦湘靈

送洪雨平待臣昆季歸黃山白龍潭幽居

黃山老人書喚我先師槩庵和尚乘春早鼓嚴江柁不然輕車

走姑孰資糧不過十日累余既不往老人歸空諾黃山

竟不果黃山時時憶夢想欲戒舟舷潤車輶天矯罅石

抽松虬蕭疎凍土撐筍箒天都青鸞葬回合白龍之潭

受鑰鎖有時風雨來發作白龍作勢如軒簸岑參別弟

高冠潭鑿齒置酒習家坐大約自潭往以南月爭花明

柳絲韜忠宣之苗洪氏子讀書其上譚丘軻卜築無多

大幽致老人峯樓右觀音崖左野人翁山吾好友作詩

送贈詞場播余曩讀之喜且驚文字真兀終帖妥洪氏

二子吾通家學大才高不慵惰天選丘壑著幼輿世出

世間無不可朝聽龍潭水轟嗑晚看白雲冒崇墮香泉

瀟尾泉源源桃花菴頭花朵朵文心道氣相鬱淳俯視

五濁皆蟲羸我意已凌湯口路神鴉毛毳雙垂鬢當時

尋師已誤却訪友草鞋辨塵堞夜燈又讀洪子文時評待臣

試軒轅鼎成吾則那

黃起溟 黃生

送洪雨平待臣昆季歸黃山白龍潭幽居

白龍之潭龍所宮眾水遠會踰千峰懸崖直下一百丈

怒雷掀掣無秋冬金沙白石清見底垂緝探之不可窮

山僧為言天欲雨白氣潭中初一縷須臾膚寸合濃雲

下方捲起天河注洪家兄弟皆好奇讀書但讀周鼓與

秦碑軒轅秘籙藏古洞欲入黃山試一窺山有潭兮潭

有龍雷雨都藏鱗甲中他日雙飛上天闕始識為霖澤

物功

程岫 雲家

送洪雨平待臣昆季歸黃山白龍潭幽居

洪生兄弟何磊落年少工文嗜丘壑夜眠夢上蓮花峰
星辰倒垂天漠漠泉聲足底潺潺鳴俯見白龍向空躍
流光射目肌骨涼醒來猶覺衣裳薄悠然頓起山棲情
便往寒潭共濯纓異草逢春香不散天桃吐艷夕還明
寥寥仙境淡鄉國藹藹良朋是弟兄靜撫瑤琴萬壑應
間支玉杖孤雲生一雙老鴉洵奇絕皎若迴飈落松雪
爲近懸泉萬仞清平生毛羽俱鮮潔造物效靈豈無意

遊人不到皆虛設每遣珍禽渡口鳴要將佳處盡情洩

始信茗甕是比隣此中絃咏有汪倫

于鼎文治讀
書始信峯

爾輩

聲名動京洛安能巖穴終其身嗟余十載走風塵常懷

勝地無由親謝公若別東山去猿鶴邀誰作主人

湯燕生

寄題汪于鼎文治始信峯草堂

靈境無氛濁危峰截來往蔽虧日月驚歷覽心魂爽隱
君江海人貞心山嶽象淺淡詎能測孤高未可仿結宇
通天居題名向仙掌海日無新故人代成今曩憑雲翼

忽生擲地詩能響伯仲雙依棲黃虞獨緬想行當謝市
塵歸作豨山長

薤谷有翔鴻華山列霧市古時大隱人名山託棲止君
耽黃海奇選勝千峰裡朝尋軒帝蹤暮宿浮丘址望祀
古龍顛山尊薦明水石筍野人供丹臺讀書几晞髮就
湯泉振衣躡蓮蕊時登嶽頂呼老友寒江子五字鐫在
壁石壁刻寒江子獨生五字江文石先生筆也孤身殉帝里屋列東西岐山
稱大小美想見巖棲人蒼生應待起

王士禎

汪于鼎文治寄黃山始信峯志

避地何方好天邊始信峯人歸散花塢徑度擾龍松向
下雲煙積當門澗壑重此中猿鳥絕無路識行蹤

閱汪文治始信峯草堂紀畧率題六絕

占得黃山始信峯弟兄身亦一奇松一松復似寒江子

峯頂盤旋作擾龍

石壁鑿寒江子獨坐五字款人江天一所題也天一與金正希同殉節

擾龍松本在峯頂高不及丈而橫枝盤迴垂
蔭峯頂可數十畝望之若游龍在霄漢故名

前海何如後海奇茲峯觀海更相宜白雲初起諸峯暝

萬里驚濤在霽時觀雲鋪海莫奇於始信峯雲初起時諸峯盡暝久之天宇晴明乃翻濤激

浪茫茫千里

萬壑朝宗是白雲微茫不復海天分諸峯來去如帆席

風外濤聲寂不聞

終歲花開不辨名朝霞多是衆花成千巖萬壑花分色

雲海浮沈盡落英峯下有散花塢花包巖谷高下悉與石平其花名色皆莫可辨

穿地峯峯似籀龍松身繚繞玉芙蓉飛梯不向崖端造

咫尺應愁紫翠封

黃帝衣裳作海雲浮丘几席落花紛遺書續取先司馬

諱道昆便與山靈建大勳

洪雲行

臥龍松

遯世得空山高卧閱今古噓氣已成雲無心作霖雨

蒲團松

葉細碧成茵團團踈復密應有面壁人于此掛瓢笠

破石松

石母孕龍子子墮天爲驚蒼鱗不飛去終身戀所生

蓋鶴松

虬枝團翠蓋幽壑庇仙禽不教明月照好夢正難醒

棋枰松

聞道驂鸞客時來坐對松樵柯從爛盡此局幾時終

擾龍松

虬枝何螭蜃龍性自馴擾萬壑盡來朝白雲共飄渺

接引松

斷崖舒一臂天外引孤筇不畏仙凡隔風雲有路通

迎送松

欲宜疎嬾性除是絕塵囂豈意神仙窟依然迎送勞

汪長民

散花鴨望石筍砧作

竒外探竒興倍賒不知身歷幾層霞石因莫辨聊呼筍

香且難名况認花白日豈須還拔宅丹丘卽此便爲家

誅茅倘許雲中住服食何愁少月華

汪長世

宿文殊院見異光

借宿向天半愛此青蓮宇一燈半明滅空堂掩秋雨萬

壑響飛泉似激松濤怒遠遠但聞聲潺潺不知處清譚

亦已歇好夢方栩栩忽訝夜珠來光輝燦如炬

洪時行

飛來石

誰擲支機石高懸萬仞間崖虛疑未穩壁峭詎能攀雲霧棲難定羲娥去不閒遙知天海外幾度欲飛還

僧行偉息心

贈白猿公

翠巘電光飛猿公乍移步終歲弄兩丸白雲走蟾兔蒼松垂足練紫石騰尺素煉液不見髯丹成毋乃誤

孫淦

靜紫號擔峯河南人

黃山雜詩

北源中路總幽清不愧黃山百里程村屋終年連岫影遊裝盡日逐溪聲石田高倚雲來靜籬犬閒因客過驚異鳥奇花爭傍轡土人到老亦難名

百折千迴變換新峽稠隔斷世間塵東西路惑翻成幻寒暑花開總似春斜嶺常籠夾逕竹怒流自轉灌畦輪何煩定到山深處徼裏煙霞便可人

出林奇氣撲遊筇始信名山是此峰高欲插天渾露骨

新雖沐雨不矜容穿雲爭瀉千尋瀑裂石長穿萬歲松
未向軒轅祠下拜丹泉一掬盪塵胸

半生牢落滯塵埃慚愧神鴉報客來鐘鼓聲中凡念盡
雲巒影裏道心回梵經幾帙留椽筆佛骨一囊歷劫灰
自信山靈應許我遊人幾見木蓮開

麻屨藤杖素絲條古磴回旋漸次高疊障連生疑路盡
盤根倒掛訝松牢雪翁絕迹情何僻石丈留人氣自豪
最是大觀雲作海群峯出沒在驚濤

普門躡足下煙嵐天險何人再一探樹聳虛空無鳥跡
雲封隱躍有仙龕藥苗香逐罡風散澗水聲隨夜雨酣
爭說奇僧能繼武峯頭留杖尚橫簪

雙松當路苦多情何事年年耐送迎一綫途防俗子入
三間樓縱野雲橫門前獅象依苔老座上燈盂帶靄平
萬壑千巖淡夜月孤僧敲徹木魚聲

仰面蓮峰眉睫間升沉鳥道費躋攀山腰曳踵緣危竅
樹杪扳雲過別灣僧愛幽奇能預導僕愁歛仄欲空還
高呼飛上玲瓏頂定有人開碧落關

千級雲梯絕壁懸側身萬仞下蒼烟路通窅洞衣先濕

人踏鋒峻屨蚤穿野客傍巖搜往蹟奚童敲火煮流泉
老成應讓仙橋柏閱盡遊踪不記年

藥臼丹鑪已盡無翠屏對擁一松枯鳥諧仙樂迎風響
樹織蒲團帶露鋪雲嬾全空前後海花稠爭發去來塗
莫憂絕磻無人跡踏碎雲根又一屨

未覺身行是翠微乍驚嵐氣上人衣下看墜靄疑無地
側指崩厓宛是扉路隔翔鸞仙跡杳蘚封臥鼓太音稀
最奇一笏巔頭石獨瞰空青更不飛

兩峯並聳碧雲端獨木橫腰步欲難意外追尋雙屐誤
天然接引一松蟠遙窺幾個石人古環插千竿玉筍寒
說與世間渾不信獨將奇闢縱情看

塢裏誅茅雲不齊枯僧披髮臥幽棲年華渾忘憑花散
晴雨先知卜鳥啼夢覺低看出嶼月心空靜聽繞床溪
門前相送須留意祇恐重過路又迷

細流幾折聽湯湯出峽驚飛百丈長層疊沫寒新燕舞
渟泓潭碧古蛟藏蓮峯石蕊晴偏腴雲谷松鱗老更蒼
新構天紳亭最豁無人解坐看斜陽

名山刻畫總支離萬態千容到始知高已難窺終愛瘦

險多不測乃成奇雲隨變幻無常致松不雷同總恠枝
若結茅庵青翠處真修何必讓安期

山川締結自前緣喜慰神交二十年著屐正當花爛熳
留裝淡感雨纏綿恠峯誤訪翻成快幽鳥驚飛倍可憐
此別心期應不負孤懷肯與世人傳

北源道中

佛嶺斷塵氛逶迤點竹樹不須更問津知是黃山路
山以轉而淡村以淡而靜日轉千萬山一轉成一景
千溪復萬溪紆折傍行李遊人兩日程只在溪聲裏

村童負竹簾三五陟峰頂疎散行且歌撥雲採野茗

祥符寺

入山卽太古萬彙各還元儼然高樓上投體謁軒轅

湯池

未始不熱中轉盼已冰冷寄語滯情人可以發淡省

慈光寺

山水有前因到寺雨初歇群僧合掌迎難得木蓮發

硃砂峯

煙火非人境雞犬皆仙家到此便飛去何用尋丹砂

鉢盂峰

不信驚山中是僧皆辟穀如何山門外恒見一鉢覆

老人峯

稱老自何時容顏只如昨矗立幾千秋先生真矍鑠

天都峯

巋然不可量突兀插天際俯眎老人峯童稚著丫髻

迎送松

遊人自往來何必求情洽翻笑山中身未能脫世法

臥龍松

高卧甘壑丘塵消性常定料得罅隙塗不是終南徑

一線天

真修別有天合與塵緣斷好事始何人無端開一線

文殊院

一僧住峯頭炊煙傍危方日夜門不關閒雲自來掩

蓮花峰

飛步萬仞梯六合皆空洞除却天都峯誰能與伯仲

雲梯

側身從天下膽落面成灰瞥見松奇古躡足還徘徊

蒲團松

叅透箇中機那管蒲團破棄擲荒山切終日無人坐

鍊丹臺

雲迷苔蘚荒何處訪丹舖只有千丈屏對面形容古

飛來峯

君從何處來定有山川癖終古臨懸厓獨立不他適

石鼓峯

高臥寂無聲古樂嘆銷歇我今奮袂來一搥震天闕

獅子峯

訪道來溪山佛仙無一個此間石點頭獅子乃昇座

始信峯

雙峯起並肩危橋挽松爪造物亦何心得得意呈奇巧

雲舫

我來上慈航忽有望洋嘆撥舫早回頭是處卽彼岸

雲谷寺

源以丞相名未審賢與否門前四大松曾與共携手

九龍潭

雲裏沿清溪一轉聲勢大回首山腰亭天邊垂一帶

雲海

蒼狗變洪濤茫茫無涯涘只有千萬峯出沒層波裏

白猿

雪翁今在無我來莫迴避執手上天都細問千年事

訪中洲和尚

特地撥雲來却掃無履迹放膽啓禪扉不是塵俗客
筆墨重名山笥書知己富不卽著麻衣敲詩應未就

貽僧林安

君定再來人靜對捐百慮舊交似前因不記在何處

遊屐乏同心一遇欣然喜來朝趁早晴携手入雲裏

語雪莊和尚

君愛黃山奇黃山愛君靜相對各無言不覺歲月永
前日見君圖峯巒肖曲折黃山真面目未免輕漏洩

雲舫夜成

竟夜枕溪聲滌盡煙火氣不知塵世外曾否是晉魏

汪士鋐

扶晨

重九寄訊雲舫雪公

翠岫清溪淡結廬在天外雲中盪一舟海氣紛映帶峽

意逼猿啼寒響生松籟萬壑散霜紅登陟何峰最悵望
雲中人身心自俱泰

憶天紳亭寄吳青霞

九龍爭翠巘光響一亭收置身想斯亭如聞萬壑秋山
空照孤月松風吹奔流此中有猿嘯爲誰生旅愁試訊

山中人曾見雪髯否

白猿又名雪髯

詠花源寄雪公

仙禽巢茂林神龍潛海底鶴鳴必九臯龍行非淺水至
人識高深舉動亦如此吾愛雪公居萬峰白雲裏何處

想高踪蒼巖間百里長欲謝肯人冰雪怡暮齒

狎浪閣坐雨

山風如海潮瀕洞到叢樹小樓響層濤似向虛空住當
喧倍孤寂但見流雲赴俯見池上波蒼茫亂奔注大地
竟如斯獨坐旋有悟

登九龍峰曉日菴

海氣欲浮山亂雲生衆樹絕頂望朝暎光怪忽呈露彷彿
見九龍高下莽迴互遙聽法鼓聲漸與流雲度老僧
不知年但解山居趣默然自朝昏終世無恐怖

聞黃子結茆供雁黃上人住煉丹臺
軒皇煉九還鼎竈千峰上萬壑應松風孤雲自來往吾
師天際人肯肯抱遐想合向此峰居題詩寄慨慷層巖
立猿鶴陰洞啼魍魎應共仰蒲團臺下盡稽顙

香谷看瀑

託跡翠微上危巖白雲淡愁猿不可聽遠徹祇樹林指
點香谷中有人橫素琴瀑飛吹不斷天風澄我心洞湧
望杳冥於此成知音日落儔侶稀歸興發清吟生事在
林壑芒屨貪幽尋暮齒更采樵寂寥意所欽

宋

犖

牧仲漫堂

黃海山花圖詠二十首

有序

楚州雪莊悟公住黃山之皮篷性孤高有花癖尤擅
繪事時時含丹吮粉於幽厓邃壑中貌人閒未見花
久之成帙新安吳生綺園箋其名寄余平江官舍戊
寅七夕携過滄浪亭流覽一再過各卽其名狀而疏
之並繫以詩用補山志之未備其中數種不可名亦
不能詩姑闕之

金縷梅

似臘梅而瓣如縷春日開時翩翩欲舞

春林發異香縷縷離黃玉已將寫作圖還擬製爲曲

撚蠟亦似蠟梅一苞四五朶其開也以春杪

丰格儼蠟梅一苞四五葩月明林下時幽香應倍加

旌節花老藤上作花行行垂如旌節色淺碧黎州漢源縣亦有之

老藤作碧花鬢髻如旌節歲歲春風時長聽花神挈

春桂似桂而五出三月開

連蜷淮南叢山礬應弟畜惟有七里香高韻同空谷山礬

亦名春桂七里香江右最多

海罽花生雲海春日遍厓谷紅色淡淡相錯至鋪海時爛然雲錦矣彷彿睡香而差大

海罽奪蜀錦爛熳雲海張大似廬山谷春淡放睡香

瓔珞花色黃碧幽倩澹冶清香雋永有垂柳之態

瓔珞何澹冶香在衆花右憐渠窈窕姿還過永豐柳

蕢莢與莢無異但花跌先實耳

蕢莢跌先實折來自樵叟借問武陵人舊曾見此不

山櫻木本竹葉初夏作花實如含桃

朱顥類含桃瓊瓊摘盈把趙昌化工筆好竝青梅寫趙昌

有青梅含莢圖

紫雲花花淡紫日光下燭晶然凝望

紫雲花即雲光彩不可狀想見白頭僧含毫向千嶂

木蓮花

在慈光寺前高柯成圍密葉蔽日冬不凋花肖白芙蓉惟房莢不類四五月開香聞

數里山中無二本

木蓮千載花香光照禪席記取謫仙詩五月雪中白

玉鈴花

樹高大龍蔥夏月碧陰中白花串串有類雕刻香甚

長夏碧陰中白花綴串串分明追琢成縵縹成水薦

香杜鵑

杜鵑處處有之此則高幹濃香迥異凡種

高幹盤雲上濃香浮谷來問他殷七七頃刻可能開

石蘭

一莖一葉一花色紫生峭壁上

石蘭種大奇莖葉花皆一形類賦左思其為此物必

香葡萄花

木有芒刺四月開小黃花如丁香香其結實也如丹砂

花畧丁香同實則丹砂似煌煌北征篇摩寫會到此

覆杯花

攢生葉底空中下垂似鏤竹鬆朱而成

覆杯花空中垂垂葉底積鏤竹而鬆朱天公劇游戲

仙都花

生仙都峰下古幹屈曲花一苞七八朶望之如芙蓉而特香綠心如拳三年一放放

則葉下披如相讓然

色借秋江遠林開仙境淡老猿偏愛此三歲一來吟

傲雲花

形色似木蓮自夏徂秋香不斷葉亦微馨悟公雲舫四圍皆此樹

雲舫周遭樹依稀
菡萏香暢師相對
處晴雪落繩牀

鶯羣花

藤屬葉似菰蔣秋
日著花宛然鵝也

山花多奇狀尤奇
此鵝群誰向清
秋日折遺王右軍

疊雪花

花如剪雪中含
一壺盧九月開

霏霏疊雪花中有一壺
韞巧疑滕六裁幻許
長房隱

紫綺玉環

草花也頗
肖二物

草花殊狡獪刻畫閨幃間
既吐一片綺復配一雙環

潘耒

稼堂

潛口訪汪扶晨

村在浮
丘峰下

當宁曾聞賞子虛
盈廷未肯薦相如
坐令和璧長埋璞

誰信驪珠可照車
黃海煙雲憑管領
墨林榛棘藉耘除

異時谷口今潛口
百疊青山一草廬

洪中追懷汪伯玉先生

新都數文人首及汪司馬
生當升平代官至台司
亞盛

年臥林泉揚風而扪雅詞
筆照一時聲名走天下
洪中

一地形勝侈摹寫
曲折類輞川清幽比
熏冶我來訪

遺踪惟見碧流瀉
當年讀書臺零落無
片瓦蒿艾長於

人泥沙湮沒輒因嗟
成壞速足驗萬緣假
藏山有負趨

日月不堪把借問風燈中誰爲堅久者

望雲門峰

路入黃山不見山雲門當面獨孱顏畧呈奇秀千峰表
引客來時送客還

湯泉

天都峻極標青冥上帝高居朝百靈顧視凡骨哀伶仃
載肉之軀饒穢腥賜以湯沐登福庭潛驅神工鑿翠屏
石髓迸出金膏零煮以陰火噓赤霆融蒸丹砂漱空青
澄然一泓碧玉渟不寒不熱長清冷春陽溫和蘭澤馨

浴之五內祛煩醒疏導百脉通諸經如病得甦醉得醒
三尸遁逃神清寧身輕直欲乘雲輶氣爽兼可役六丁
上真遺言更細聆先當洗心後鍊形身本無垢玻璃瓶
垢從何來盍惺惺解汝帝懸除天刑勿以清渭淆濁涇
濯魄冰壺深中灑纖塵微滓不遣停何難高翔騎鳳翎
天門蕩蕩晝不扃瓊漿一吸三千齡

祥符寺

牢落前朝寺無僧竹樹清矮窗看壁色高枕聽溪聲就
浴褰裳便停輿襍被輕殘碑不可問剝蘚見題名

桃花源

緣溪尋石路撥草得書堂雲過衣衫潤風來藥草香瀑
飛千澗雪花綻一林霜丹井分明在白雲何處鄉

慈光寺

黃山百神居體勢窮偉怪太古人莫窺溪潛萬山內前
賢間題詠登覽實未逮秘藏開有時靈蹤無終晦普門
乘願來一錫披荒蕨巢居雲霓巔絕粒豺虎隊道力感
人天諸緣畢來會龍函國母錫玉帛三宮賚金銅像七
層輦送來天界地湧琳宮新神營寶坊大從茲山徑開
稍稍通軒蓋茅菴布谷中竹杖穿雲外峰巒無藏奇開
士功爲最到今滄桑餘精藍儼然在鐘魚肅清規賜物
留前代戒定力所持不隨三災壞亭亭木蓮花挺立見
高槩導師餘蔭存千祀無翦拜

贈中洲禪師

震旦神奇第一山久無龍象住中間賴師獨唱無絃曲
有客頻敲枯木關金色界居緣不小莖茅刹現任方艱
時方議重 毘盧真面何人洗三十六峯相對閒
建大殿

文殊院

誰從削壁架飛橋直上層城透碧霄雨洗千峰初獻萼
雲籠萬壑欲生潮人眠月窟膚寒栗界入風輪閣動搖
便與清涼無別境不須金臂更相招

天都峰

黃山百千峰茲何獨稱長大巧不炫奇尊嚴故無兩中
天開帝廷萬靈此朝饗肅穆垂冕旒森嚴排甲仗梯空
一萬重拔地九千丈煙雲升及腰日月行在掌羣山自
言尊對之失氣象譬如見真人羣雄自頭搶蒼蒼百里
外孤標已瞻仰卽之如可親攀之莫能上石闕望峩峩
天橋矚朗朗載肉無由升徒然結遐想

蓮花峰

一峰駢千峰萬石攢一石化工何太巧削成不留迹想
當鴻濛初天根始甲拆羣峭紛上干一莖遂分割或側
若笏簡或端如圭壁軒軒鳳開唼落落鵬騫翮合成千
葉蓮亭亭插空碧蕩漾雲海中揚葩復含葩蓮臺百萬
層中爲列仙宅天池聚荷珠灑灑盛玉液欲往從之游
雲衢誰能闢天風起蓬蓬思借王喬舄

丞相源

十里松杉到寺門，遙峰如蓋正當軒。
清溪流出菴花底，錦石鋪來竹葉根。
人臥空堂雲不去，山圍高閣雨難昏。
此中若肯開蓮社，元亮先思斷酒尊。

葉菴和尚塔
崢嶸風節著朝班，晚著田衣臥竹關。
坐斷吳峰兼越剎，獨留香骨與黃山。
麒麟高塚勒豐碑，名姓多教異代嗤。
何似宰波寒月下，一泓秋水薦軍持。

天竺贈鄉僧鴈黃

可怪同鄉不相識，黃山深處却相逢。
探竒一笠先於我，踏徧雲中六六峰。
世上無僧似爾癡，竒松一樹一篇詩。
好山無數松無數，問爾歸來是幾時。

皮篷訪雪莊禪師

高僧本逃名，獨臥萬峰頂。
何期名遠聞，鶴書下延請。
三辭不可却，暫到紅塵境。
緘口不談妙，避喧如避竅。
堅求放還山，雲鴻逃真真。
我來訪高蹤，大壑雲萬頃。
蝸廬寄其間，飄若一葉艇。
焚香披畫圖，汲澗烹茗芋。
人如冰雪

清韻與松杉冷利名所波靡緇流亦馳騁舉世爲紅爐
君心獨古井卽此是說法何須白拂秉聽者有何人山
頭石首肯

曹燕懷

石間
嘉興

過浮丘峰訪汪栗亭先生

浮丘一峰尊蘊靈爲阮水下有菴花潭柴桑舊棲止澄
碧日月池濯飲易毛髓中有著書人冰雪怡暮齒昔與
先司農家秋
岳公結契稱蘭芷吟嘯盛騷壇相將執牛耳乍
見卽相親淵渟而嶽峙有約踏蓮華問程從此始

曹

溶

秋岳倦圃
嘉興

擬遊黃山索栗亭和

平生欲溯巖灘上便浴砂泉倚老松何意宣州詩思澀
竟虛春月馬蹄濃遲迴積潦天心苦想像鋪雲海氣封
憫我素懷煩好友題名必在寂高峰

同扶晨先生山行有懷黃山隈雄字

九旬花信候將終暫喜層陰散曉風源路似堪忘魏晉
松風那復辨雌雄少陵活計長鑱在安石虛名奕局同
欲訪仙人栽藥地白鵬久已出雕籠

王士禛

阮亭
新城

寄懷黃山汪子栗亭

清淺新安水遙連四百灘
岩巉天子鄣三十六峰寒
絕磴雲千頃仙人藥一丸
與君香谷任何必更駖鸞

黃元治

涵齋

讀黃山續志寄同學汪栗亭先生

賴君續刻黃山志更得高僧後
海開手種梅花餘廿里
夢飛松谷幾多回日邊歲暮風尤勁
天頂春寒雪未開
三月倘逢南雁北歸懷折寄一枝催

七載天涯雁不聞幾從萬里賦停雲
羊腸客路誰如我

牛耳詞壇獨有君屈指故交悲逝水

謂非二勇公山
尊右湘諸同學驚

心肯事悵斜矐明年好訂重携手
共訪黃山豕鹿群

趙吉士

恒夫

朱漢源胡納言金閩客冒雨過山居夜話因懷黃

山老友汪栗亭

雁聲叫斷獨山樓雨甚修廊不礙遊
茶鼎浮湍珠急滾
荷盤傾瀉汞分流青蒼遠迓同羣到
黃白偏容老友留
半汲泉華烹芥茗淺沙殘草石林秋

隙光不射日中塵水靜鬚眉照映真白鳥迴翔忙趁食
青峯顧盼巧留人南音婉轉琴心靜山步從容展齒伸
懷汝巖栖拋世事飄蕭鬢髮白垂綸
儒冠各誤半生餘瓢笠遙來小築居棋雨酒燈羈破屐
松窗竹屋讀零書偶然釀熟來三客安得金多散二疎
午夜倚窗頻促膝初鐘清響散鳧魚
長慚獻替對誰論破我羈孤汝輩存滴瀝響傾千萬點
呬唔聲斷兩三孫心交淡語淡淡夜膝席頻斟滿滿樽
愁絕故人留故國幾多客夢到家墩

汪士鋐

登天海寄祝趙黃門恒夫先生

盪胸雲葉結爲樓曾記先生癸丑遊翡翠枝枝撐石破
芙蓉面面架泉流炊沙弄月徂公出種藥尋香鶴叟留
丹竈自蒸勾漏草金苗采徧萬峰秋

朱薨紆宇淨無塵十二崑崙絳節真旭日松先明帝子

擾龍松又稱帝松

晴雲掌已露仙人擎天寶萼天邊矗拔地蓮

花地底伸飲得瓊漿筋力健爲霖大業望彌綸

駭目抽莖玉筍餘懸崖蓮瓣有僧居霜臺月塔親香海

寶笈珠函護道書煉就丹砂頭尚黑漱來白石齒難疎
從前親授浮丘訣曾釣靈鰲不釣魚
山經註就共誰論四疊懷黃傑句存道氣昔曾分鹿女
冰絲今許織天孫虎鬚曾見渾身膽龍性宜酬五石樽
日永綵衣鳩杖穩翎開丹穴鳳凰墩

洪嘉植

去蕪

甲戌穀日蓮花峯下栗亭先生寄書惠詩次韻酬

謝

故山三十六芙蓉真見天都第一峰已逐風雲追白日

竟無冰雪到淡冬孤遊何處遺高跡絕境應難杖短筇
聞道阮溪傳有信開緘洞口語從容

百步雲梯路險難蓮華三折與天干淮王菽乳皆仙藥

陸羽茶經得臭蘭

皆見寄茗豆

留客草堂知有意題詩人日

不勝懽奇情欲說君先到恨莫相從一笑看

丁丑春日奉懷黃山汪栗亭先生

黃山天萬仞古帝白雲鄉雁蕩峯無土旻源洞有光露
沈珠菓秀月涌木蓮香我夢春如水重來臥石牀

百里家雖遠知君病屢登蓮花分夜漏瀑布響春冰海

迴雙峯寺天通萬歲藤溫泉香洗髓坐看月華升

宋 至 山言 商丘

題錢介維遊黃山詩

客從黃山來示我黃山詩同遊有勝侶冒雨不後時
一綫走絕巒猿鳥相追隨三十六峰各變幻
一刻畫如列眉手把詩卷三嘆息人生何苦常拘羈
我聞敷淺原四時錦繡披其上僧房多五百綴蜜脾
其下湖水匯千頃鋪琉璃安得此身長羽翼共君直上陵
匪屣招携五老蹋明月松花滿地松風吹

丁廷樾

駿公涑南新安太守

寄黃山汪子扶晨並懷雲舫雪公

排天翠嶂削芙蓉靈嶠長年古雪封月塔舊炊雲葉飴
霜臺曾聽暮天鐘紫霄絳節瓊樓出香海金幢法界逢
忽憶高吟阮溪叟木蓮花下自支筇
碧玉穿林拔笋芽篔簹谷裏羽人家狙公藥銚蒸紅朮
鹿女丹樓弄紫霞羨爾精廬凌雪海招予仙竈餽胡麻
蓬萊會愧軒皇隸空向珠林踏白沙

謝 逸

遺民 富陽

過潛口訪汪栗亭先生卽尋雲舫

扶筇來谷口一謁軒皇壇壇下阮溪水泠然六月寒花
香巖屋靜池遠鷺波寬著述人將老披帷得大觀
廿載停雲意仙源得泛槎相依碧溪水坐對紫蓮花雲
裏開丹闕松陰滙翠霞玉漪園茗好綠雪不須誇
古后棲真地披雲策一筇名園訪蘿月絕壑走虬龍剝
蘚尋仙偈凌危問帝松琅玕隨地碧天外矗奇峰
高峰與澗谷全不類人間蒼兕號丹嶂清猿啼碧山蓮
花橫嶂頂佛火映松關此去尋雲舫流雲似我閒

汪柯珩

寶林

天紳亭望九龍潭瀑布

看山不畏險身攝白雲巔鼇背千峰聳鯨波九疊懸水
簾飛碧玉花雨灑青天策杖峰頭立孤亭接暮煙

宿雲谷贈鐵夫和尚

精廬楚楚半青天月下高吟未忍眠倘得雲房畱半榻
蒲團安坐共棲禪

西海門

耳目疲觀聽忘言但賞心漫空煙是海出險石成林猿

鶴歸真宰雲泉響衆音移情今始得相對伯牙琴

登蓮花峰

旌幢旄節望重重羅立還開齒苔峰觸石奔騰疑虎豹
排空溟渤起蛟龍亂撐寶蓋排千嶂乍湧冰輪照萬松
十丈花前通帝座羽衣鸞鶴擬相從

白龍潭煮紫霞茶

錯落珠生響瀑泉銀河九曲落遙天水光散作千峰雨
海氣升從萬仞淵活火煮來聲謾謾清風吹去袂仙仙
家山椒葉看澄碧七椀盛來興復然

汪梓琴 修况

陪胡鹿亭侍御游黃山時諸子以詩送賦答

重來仍倩舊筇扶上客名山興不孤老樹翠分臺上柏
神鴉迎是府中烏杖經鼇背還穿腹身入蓮華直到鬚
手把新詩吟詠處萬峰寒碧繞天都

入山口號次鹿亭先生韻

溪山面面解相迎未出塵氛體已輕不是舊曾諳路徑
雲深何處問行程

白龍潭試紫霞茶

銀河倒寫雪瀑衝日脚反射垂天虹驚雷怒擊飛雹亂
萬丈洗濯青芙蓉絕壑沟沟凜寒氣膚粟無分炎與冬
家山采得春前葍淪以潭水聞松風閒雲出沒晴巖空
萬綠掩映山花紅對此幽奇一叫絕潭底或恐驚龍公

慈光寺坐雨

霏霏不斷散如絲翻喜羣峰變幻奇雲氣橫斜遮面目
天風搖蕩露鬚眉紅垂殿角花愁濕溜滴簷牙鳥和遲
坐對無嫌終日夕流連何用卜朝曦

文殊座

峻絕玉屏峰羣山俯首從分明金茵苔掩映玉芙蓉猿
鳥懸孤座風雷響萬松不愁來俗駕洞口一丸封

鍊丹臺

萬朶青蓮葢峻岫挿絳霄夢尋鸞鶴馭疑有鬼神朝樹
色懸蔥蒨泉聲破沈寥浮丘振雙袖高處似相招

西海門

簇簇雲濤海氣寒森羅萬象擁噴吼松枝遠勝珊瑚樹
漫向滄洲拂釣竿

鍊線潭

下有龍穴

一峰乍出一峰沒薄雲微白紅雲赤高低入眠飛金鉗
天吳播蕩山嶽坼炎天歲旱苦不雨遠近走詣蛟龍窟
如烟一縷起潭中咫尺晴空飛霹靂遙見前峰雲暫開
似有神官擁袍笏松如幢蓋鬱參差烟非輿衛紛絡繹
只愁頃刻風雨至令我歸途忽相失行行遠望深林中
喜有山窻一燈碧

過雲谷懷鐵夫上人

水竹雲連一院幽當年曾許共冥搜孤雲杳杳不知處
竹自參天水自流

黃名壁 荆崖

湯泉

大地信洪爐寒崖沸珠液一泓山之椒色映石光徹煖
氣發丹砂清芬難比德濺澗雪花浮涵空樹影結深山
六月寒靈窟四時熱豈惟滌塵垢直可換毛骨便欲朝
羣真飛飛入天闕

祥符寺坐雨玩羅文恭題壁詩

爲愛祥符古刹幽雨中吟嘯有空樓鳴絃泉近傳聲激
紫玉屏高濕翠流人靜六時堪展卷山寒五月想披裘

前賢墨妙存丹壁擬作摩崖次第鈎

由松門上小心坡至一線天文殊院宿

藤杖與芒鞋欣此濟勝具百折到松門歷險已無數徑
絕境益奇杳然不知去兩松如送迎揖我向前路前人
戒履險得無臨深懼而我過懸崖真同一葦渡冥搜入
秘洞光影一線露誰與透豁訝劃然天界遇一座凌中
央三山悉周護夜宿小清涼荒寒生靜悟

偕三弟碧野宿文殊院得詩四首

萬山深處托幽棲蓮萼雙峯影與齊靈境到來難著筆

偶因佳興一留題

千巖萬壑此朝宗禪室無僧苔蘚封猿嘯一聲山谷晚
白雲飛亂翠芙蓉

蓬萊原只在幽區莫問丹成事有無雙屐踏開千疊翠
明朝直欲上天都

夢到黃山已十年一尊攜對落霞天來遊四月風光好
信是山靈有宿緣

下百步雲梯過天海宿指月菴次壁間韻

天風生大壑野興更悠然路過方知險人來擬是僊花

鮮初著雨松翠老含烟清磬度林表遊踪可息肩
小構羣峰下雲深四望平料因丹蹟近就此把茅成野
鳥不聞語山僧尚有情半肩聊托宿心境兩俱清

登光明頂望西海門

振策光明頂列岫皆仗排天都與蓮花并立稱崔嵬長
嘯拂雲響下聽成驚雷是日風日晴遊氛驅作堆蒼蒼
西海門劃然雙闕開日照衆山紫色眩如瓊瑰舉首極
寥廓江流水一杯匡廬螺髻青偃卧碧雲隈乃知天地
大五嶽未足該茲山信竒特佳境等蓬萊如何鄉國人

頭白方一來已覺脫塵想還期去俗骸神仙事有無余
意學蓬梅

日日始信峯尋寒江子題壁不見

截斷山腰自一峰石梁橫度一株松平嵐半訝滄波沒
列巘都成紫翠封造物賦生原莫側高人遺蹟覓難從
豈知風雨時珍護每使龍蛇失舊踪

擾龍松一名帝松

怪松黃山中所見殊不少一株獨凌空抗立出羣表作
勢如遊龍不敢落飛鳥造物理如何賦形具靈巧想爾

黃山志續集 卷六
托根時信與天地老石髓淨毛髮雲液敷與突偃蹇千
萬松一笑從頭掃如登天都峯臣視衆山小

禮樂菴老人塔

抗疏曾經犯逆鱗蕭然一衲作逋臣青山萬疊圍孤塔
猶有村氓薦野蘋
丞相何人守菟裘神仙無復覓丹丘千秋大業惟忠孝
日月爭光土一杯

黃山志續集卷七

汪志遠靜夫

汪士欽扶晨

吳瞻泰東巖纂次

新安

吳菘綺園

汪樹琪玉依

賦詩志

洪嘉植 去蕪

桃花源

重巖淡春日殘雪瀉寒溜風動神龍淵水爭亂石門沿
澗響當門源泉懸在右潺潺雨花溪汨汨轉雲竇輪囷

蹲虎豹鬱屈挂猿狖古樞如籠蓋石蘭共堅瘦錯繡紫
翠屏鏗訇鈞天奏燿淡綫一罅月出弓半殼空濛晴亦
雨冪麗夜作晝靜言思無聞哀玉清可漱

白龍潭

寒山晴將雪淡谷夜有風懸泉劈青峽湫潭潛白龍孤
雲不吹散叠障如飛空宿雨悶燿徑流月出石罅我坐
狎浪閣日照迴橋東白龍其下臥碧玉爲之宮思騎赤
鯉入來窺白猿公瓊晶黝無底玄珠沈在中

上元夜雪

往年在嶽麓元夕雪中燈矯首神農國天高風勁稜去
年荆塗下古寺迴龍興長淮睹神禹孤舟破春冰今遊
黃帝宮花樓對山僧松門送歸客時望子暨舍姪
孚天玉符將歸塗泥
雪層層寒光微茫裏短髮搔鬢鬢洪源雖故鄉我生於
孝陵無家任去住如月天外升夜夢謁古帝清冷欲飛

騰

發慈光寺逕老人峰過天門

煙寺浮花源衆峰起寥廓倚杖穿磴道試險皆踴躍百
具出僧廚吾生共行脚漸不聞疎鐘松門幾蘭若當面

石如虎憤怒勢欲落龍翻

石蟠洞口

猿驚嘯木末陰崖

轉孤磻登頓仗芒屨洞彼巖下泉
斟爾錡中淪置身高
十里得意其一勺老人指天門
更上霄漢薄依依語不
盡行行趾相錯仰首入帝閣
橫空度畧徇未知絕頂處
但見半壁削遠迴御日車
深瞰藏舟壑乾坤何崢嶸
上下而求索綿綿亂雲水
蕩蕩涌樓閣露立青鸞峰
吹開蓮花萼却看倏移時
此心已無著初難天莫上
至信空可鑿地自根虛無人
誰叩冥冥

登老人峰

石上老人一株松巋然山椒
配羣峰晤仙亭子迥獨立
我與相視皆孤蹤記得五老
遊河日帝舜南巡天已陟
曾看南極老人星飛落空山
化爲石偃僂天門上天都
天門未入猶路隅孤松作杖
亦千歲煙華雲葉飄眉須
臥龍繞龍兩松歌

兩松臥龍繞龍松兩龍自是雲
中龍雲根鈿與怪石同
青州禹貢傳岱宗其族有心
秀巖冬五鬣枝格香青蔥
蒼顛各有煙雪容忽聞齊國
歌建共五大夫爵羞秦封
龍子龍孫千萬重跨陵絕磻
紛孤蹤臥龍松臥小心坡

下洞繞龍松繞裂石始信峯相謂山開有熊白雲帝
鄉吾將從尺木蜿蜒石腹中苔蘚繡澀霜華濃蟠屈纓
絡俱無雙摩挲紫鱗身奮空觸石膚寸吹天風潛泣春
雨零其濛日出照耀千尺虹懸知蟠竦天西東臥龍枕
偃碧玉宮繞龍被覆如旛幢攀頽人去龍不逢鼎湖已
墮烏號弓我因訪道懷空同恍睹容成浮丘公廻看三
十六芙蓉兩松旁立一老翁三歎而作扶孤筇

慈光寺對雪

萬曆年間寺千峯雪裏鐘石崩懸水落天圻出雲封林

影通寒月潭光臥白龍尋源人絕跡花徑瀑重重

山遊後大雪送望子先歸兼寄令弟寶臣乘六

羣峰曆冬日大雪入春天禽慶同携杖成連自刺船山

梅行徑外村酒別家前知爾鵲鴝意歸飛月正圓

祥符寺懷汪匪莪舊讀書處

汪子讀書處於今三十年橋邊尋古寺洞口聽春泉入

世方知學歸山可問天桃源無限意要與故人傳

宿王躬右宅兼別介眉翁舍姪叙思

屢有尋山約今來得送迎晚雲如酒暖溪水到門清自

執彌甥禮都忘過客情明朝新雨後烟柳間春耕
宿汪栗亭玉漪園吳雲逸程予乘皆至

詩名流海內病起愛山棲巖雪庭梅靜村烟澗竹低求
羊過二仲曹阮聽雙溪酒似添春雨談淡半夜雞

黃山雜興

不信天高不可登天門初上轉層層萬峯絕壁孤雲路
一雨芒屨七尺藤殘曆冬行春日令半空人語夕陽僧
玉屏環擁文殊坐烟海中縣月作燈

二

蓮花蓮藥對天都天上三峯竝秀孤寒落明星通華嶽
夜迷罔象照玄珠龍宮涌出華嚴國蜃市浮來山海圖
却向一漚收萬頃樓前春洗白雲湖

三

臥龍松險小心坡百步雲梯險更多箭括天通懸紫翠
鈎連地拆繞青螺抃鼇海水乾時擲行蟻蓮華瓣裏過
一綫橫空紛萬象擬開石屋在中阿

四

誰鑿藏山古路開削成紫玉上丹臺鼎湖天子雲龍去

碧海神仙風馬來日月重光流
暝壑烟霞通氣殷冬雷
此時出世人同宿花落
猿啼夢未迴

五

紫籜青苞石筍矸羣仙戲海跨蒼龍
散花碎玉全成塲
破壁孤根總是松餘雪寒添雲舫月斜陽
晴落翠微峯
飛來天馬驚獅子樓閣門開幾萬重

六

海涌空中簇簇蓮巨門樓瞰縣城邊
開山已改祥符寺
鑄像猶新萬曆年綠樵含烟花鑿徑白龍飛
雨石通泉
只因流水尋源入五百秦人今尚憐

文殊院看雲同望子作次韻

直欲登天一問之不知日月是何時
帝騎龍去人猶望
身託鴻飛世已辭五色雲看臺下涌萬重
山向海中移
從來夢有文殊院對此茫茫恨到遲

丹臺看鋪海

我亦迴舟似管寧夜來懸作少微星
風初歸壑雲濤白
山正浮空海島青石室通幽花渺渺
朝陽高下樹亭亭
仙人應自愁天上坐對丹臺紫玉屏

人日師子林風霧中公送米因得吳綺園書

師子林中風霧生擁烟煨芋雪將成天迷人日初傳曆
雲破西峯欲放晴齋鉢羸糧縣磬喜素交書字夜燈明
相呼過嶺愁相失蒼耳曾經李白行

余曾迷路
行叢棘中

蓮華峯下得汪栗亭寄書惠詩次韻酬謝二首

故山三十六芙蓉真見天都第一峯已逐風雲追白日
竟無冰雪到淡冬孤遊何處遺高跡絕境應難仗短筇
聞道阮溪傳有信開緘洞口語從容

二

百步雲梯路險難蓮華三折與天干淮王菽乳皆仙藥
陸羽茶經得臭蘭留客草堂知有意題詩人日不勝懽
奇情欲說君先到恨莫相從一笑看

贈中公

羣水孤杭張我軍南徐風景舊知聞夢迴海上三山鶴
飛入天都萬仞雲黃檗樹中開妙義木蓮花裏著高文
一燈除夜論終古何胤非關不茹葷

入山書事

野人訪古向林泉山外山中未渺然雙嶺尚留洪武蹟

孤鐘不削建文年名稱天漢誰知偽國有皇孫竟入禪
怪得頭陀逢帝后袈裟舊賜紫衣傳

問浮丘源梅花

雪消春澗洗春泥萬樹梅花十里迷聽說浮丘源下水
浮溪流得到容溪

硃砂泉

浴罷朱砂峯下泉山門一點夜燈然此心忽覺清於水
閒聽鐘聲立澗邊

周金然

礪巖

王干溪橋飼魚

澄泓谿上流錦鱗燦可數來往本無心悠哉得其所片
餌擲波輕波心潑刺鳴魚繁餌不給湧笑爾曹爭

冒雨訪黃山

歷險探奇計特迂真濛磴道太崎嶇分明貌得荆關筆
細雨秋山行旅圖

山行口號

前山雲氣如奔馬後山詰曲愁雨下須臾澗道寒風生
漸掃雲開作晚晴天意陰晴不可問且促昇夫勉前進

湯泉

山椒神瀆涌暖氣日氤氳一滌消沉疴長流絕垢氛丹
砂蒸出乳石髓煮生薰滾滾玄珠泛休尋赤水瀆

桃花源

仙源可與此山齊百折谿筍費杖藜莫學漁郎來復出
他時重到問津迷

狎浪閣

山爲白浪浮身作海鷗鳥飛瀑如曳練崩迫何時了潺
潺瀉我胸虛牖生寒峭長作閣中人無煩更幽討

藥鈿

入山尋大藥瑤草芳且美欲和煙霞烹金鼎此焉是鈿
底三昧火鈿中八德水候至丹自成刀圭屑瓊餌未必
卽長生或可長不死

響雪亭

昔傳清涼山歷歲積壽雪寒巖凍不消無聲自堆墨何
如對茲亭屑玉霏琤琤柔海或變滅終古無停聲

尋錫杖泉

夙慕靈泉勝披榛磴道迷延緣蹲澗石曲折溯澗溪光

訝垂飛練晴看飲渴霓松根嘗一勺茗椀幸相携

迎送松

橫陳洞口相欹臥夾峙山腰互屈盤知爾送迎非俗態
爲憐躋險到來難

一綫天

寒山入石壁灰心滅聞見塵海天茫茫此中留一綫

臥龍松

偃蓋形屈鐵勢石託根雲結契輪囷逃斧斤夔屈忘塵
世祇緣還却大夫封人道空山老卧龍

宿下舍次允凝韻

雙屐尋孤館疎鐘破暝煙僕吁度嶺倦客愛上樓眠人
語低燈後泉聲落枕邊曉看收宿雨好趁薄晴天

題朱砂菴主綠蘿集

朱砂峯骨如瑤鑽秀削下臨朱砂菴菴主本是天下士
儒林澹泊逃瞿曇竭來未成支許談快覩綠蘿詩一函
空王立空文字障誰道詞源許浩漾

文殊臺

巨石排當鐵象獅高峯峙立玉笋思文殊臺迥人稀到

靈境奇踪到始知

九龍潭

千峯界匹練，駭絕九龍泉。珠貫纍纍掛，星躔曲曲聯。潭
疑銀漢落，忽訝珮聲傳。噴薄興雲雨，逍遙何處邊。

宋詩和吳孝廉秋潭見送遊黃山韻

塵鞅辭羈紲，名山結夢思。携群相濟勝，賈勇特探奇。洞
口煙霞幻，峯頭日月遲。吳均才力壯，先擬快遊詩。

遊黃山宿文殊院和允冰韻

夙有名山約，茲同勝侶遊。探奇得其要，賞會不須過。丹

翠呈千樹，雲山拱一樓。驚人携好句，夢管若爲酬。

獨坐步雲亭

飯罷尋詩倚，瘦藤虛亭小。憩曲欄，凭樵聲遙發，空林籟
溪溜頻驚，惟石稜絕壁，雲牽絲一縷，懸崖樹墨錦，千層
移時吟望，經過少幽鳥，親人亦我朋。

擾龍松

昔有所南翁，畫蘭不着土。黃山十八公，托根亦何所。奇
松破石出，石破松還補。短榦擁腫蹲，修枝虬螭舞。不受
劉累豢，長辭匠石斧。何曾資土膏，自足興雷雨。安得思

肖圖茲松與蘭伍

老人峯

巋然人立一峯尊拱揖羣峯無一言絳縣耳孫曾不有
赤松鼻祖至今存蟠根蒼鬣爲朋舊摩頂閉雲共曉昏
底用長生丹鼎術巖巖石丈得真原

鍊丹峯

鍊丹峰下鍊丹源搗藥依然杵臼存遺誤秦皇與漢武
被欺方士祇空言

軒轅峯

紫雲不散仙人洞丹竈寧留鍊藥方却笑飛昇傳誕妄
攀髯終古說軒皇

青鸞峯

削成摩天翮背負青雲路欲寄列仙書煩爲達情素

蓮花峯

紫玉琢芙蓉花蘂互根蒂黃海做蓮池白雲葺荷蓋

泉林石人峯

面目帶煙霞肝腸本鐵石峻嶒不媚人屈強今猶昔

石床峯

雲臥仙衣冷風敲鶴夢穿浮容游息後何客上床眠

烏龍潭

泉杵潭爲白何年開鑿成老龍呼不起時有黑雲生

白龍潭

一湫淡不測受瀑響淙淙奔瀉知何處晴天掛玉龍

天都峯

縹緲群仙宅岩堯獨爾尊諸峯羅立處大小盡兒孫

桃華峯

傳是軒轅種丹梯爛百層谿流皆錦濯巖洞盡霞蒸

鉢盂峯

泉飛錫杖冷峯擲鉢盂圓靈跡傳何代乾坤開闢年

芙蓉峯

誰將丹齒苔插向碧天空恍惚朝霞射匡廬秀色同

飛龍峯

蜿蜒疑作雨天矯欲乘風骨出非鱗甲偏能透碧空

贈雲舫僧雪公

輞川結隱更携筇斲離家山木末蓉來訪浮丘君莫訝

從今不伴大夫松

苦被徵求迫瘦筇夢魂應戀碧芙蓉而今歸住皮篷頂
好放鬚髻鬪鬣松
甚矣吾衰倦策筇愛君筆底削芙蓉臥遊一幅仙人掌
日對千尋破石松
茫洋雲海思無窮巖岫欽寄仄徑通穿樹猿吟紛若雨
墮枝颺技捷於風石荒題作仙人榜郭巨傳稱天子宮
欲喚浮丘挹襟袖尋真采隱許誰同

山遊歸道中

泱泱溪汭流盤盤山椒路踈踈鳥沒嶺嶼嶼蟻旋磨峭
崖向面迎繡錯丹黃樹黦山在胸臆觸目如逢故石上
覘陰晴林表辨雲霧回呼江貫道叅取圖中句

時久凝
同遊

次留雲嶺宿師古上人房

停輿依谷口解帶憩招提澗戶雲隨杖山樓翠滿梯圍
蔬無量供村酒自能携細數塵區事休令覺路迷

孫默無言

由九龍潭訪無易和尚

九龍潭上路飛瀑望天紳徑轉穿雲脇松多出石唇鳥

聲終古訥花氣徧山勺來聽生公法巾瓶認徃因

過硃砂菴贈恒證大和尚

主席尊者舊爲期已念年拈花當浴佛豎拂悅諸天龍
象無凡步琳瑯有確詮祖堂看位置闡法是前緣

松谷道中

石蕨初肥筍茁芽山寒四月放桃花空潭十里見澄碧
處處清溪走白沙

碧嶺岈處灑珠簾泉響高從昨夜添我問仙真到松谷
白雲半縷出松簷

鄢翼明

在公
太守

紀遊用汪扶晨韻

朝望黃山形暮望黃山影今我始一過背郭晨風冷願
言耽幽賞緣溪忘路永同登君子堂高譚氣更猛清音
雜管絃衆慮一時屏湯泉洗塵勞振衣上絕頂舉足履
巉岈下臨發溪警細雨濕孤松煙雲在半嶺惆悵賦歸
來中宵益耿耿

吳苑

楞香
山繡

披蓊越莽踏松門萬綠叢陰載刹尊礙日丹峯飛鳥絕

含風翠壁亂雲屯山光隱見猿猴過石勢迷離霧雨奔
會向此中幽攬遍探奇不惜細尋論

程光祿 香升

新安迴望皆山也最高獨數黃山者千仞一石勢插天
峯嶺橫側照四野今茲夫子選勝游長風吹日正初夏
爲訪汪倫脩拜母雞黍止宿潛溪社早起載策出門去
曲磴盤紆激湍瀉樹影偏點袷衣青灘聲欲破晨鐘亞
巖壑透迤路轉淡箒篁遮道妨走馬相與曳杖躡崇岡
紫石峯邊湯泉灑一浴能令塵氣捐再浴如聞異香惹

忽覩山阿結構新畫棟朱門映碧瓦我叩留題一字無
居者行者大苟且因之直溯最上頭巨靈闢門疑天假
天都蓮華顧盼間俯窺雲霞在其下黃山之奇奇以松
石上盤根沫流赭風雨千秋但盈把良工巧妙空摹寫
坐臥徘徊不能捨

王言 綸紫

初發潛溪宿汪扶晨山居

柱杖經幽訪高齋翠積陰藏書成別業讀易見遐心下
榻清遊夢開尊愜曠吟一宵還有恐風葉響松林

漸入

曉起欣雲淨幽懷
已開淺山猶未折深澗復何來所
向皆心結茲行着夢催奇峯俱在望猛力惜裘回

湯泉

巖頭雲半吐入徑得溫泉洗髓前身事清心此日緣不
同翻鶴羽多擬近龍淵池覆杉榛葉風來奏短絃

慈光寺登峯

欲圖難捉影不敢寫峯真
蹋蘚驚飛鳥穿雲置臥身
山情摩詰句石骨大癡皴無使蓮花妬嫌予病涉人

文殊院望後海

縱覽難窮目冥心測海門
攀援忘屈曲變幻自朝昏
到此翻疑夢拈來未易論
吾師游興好結伴躡雲根

白砂碕回眺

險陟從無地牽雲拾級攀
山山看不盡步步莫言艱
欲了一生願差多幾日閒
漫吟愁累句敢不向詩刪

汪士鉉

扶晨

出郭眺高岑天都見遙影
緣流路轉淡溪壑逶幽冷
顧我溪上若語樂消日永
車馬入白雲遊興覺益猛
百里

但鳥聲塵事盡堪屏遙知幽意洽捫蘿最高頂靈異隨
顧盼選言自精警支筇下巖巔夕照散諸嶺此行不得
從望遠彌耿耿

程主謙

山尊

過潛溪登紫霞山樓眺望
紫霞屬巖壑流水曲當門洞古圍芳樹樓高帶遠村千
峯通野望一塔自孤存日暮山光好疎鐘落影繁

題湯泉

絕壁日涓涓一泓開石泉煖餘丹竈火清帶碧山煙散

影晴雲入涵濤夜雨懸野人塵事少相對欲忘還

坐桃花源亭子看白龍潭

仙源淡莫測亂石影粼粼白日飛寒雪青天泣鬼神山
鐘時一響林月夜相親試向空亭坐端如隔世塵

禮慈光寺有感

入寺群峯得登臨憶昔賢嗟峨知此日疏鑿是何年法
雨挂晴壑香風開木蓮殿前有木蓮花黃金容易散誰肯爲神

仙

登老人峯

路出山樓外盤回盡夕曛一峯青接日萬壑綠生雲拱
立如相引忘言自不紛坐來心境寂猿鳥亦無聞

從小心坡至文殊院

竟日扶雙策層層入翠微松多穿石出雲不上山飛造
物近無理勞生欲息機再遊當努力踏徧萬峯歸

程

守

非二
蝕菴

望裏雲光錦繡堆逡巡道左未追陪老僧一見驚相告
水上蓮花昨夜開

黥山奇秀甲江南泉石煙霞性所耽亢旱自今秧未種

煩君一禱白龍潭

十載相思杖履纔老松歲月過徂徠伐山開道前人事
一日風流謝守來

登高能賦客多携回首分符楚水迷中有數峯難舉似
好將洞壑較辰谿

宿白龍菴贈僧雪峯野老程明臣

紫石丹崖野老家峰頭結屋煉香砂寫成數幅鵝溪絹
雙杖同來看瀑花

天風漠漠石門寒踏蘚捫蘿落照殘禪榻淡談清似水

支公許製籜皮冠

宋

至山言
商丘

題錢介維遊黃山詩

客從黃山來示我黃山詩同遊有勝侶冒雨不後時一
綫走絕巒猿鳥相追隨三十六峰各變幻一一刻畫如
列眉手把詩卷三嘆息人生何苦常拘羈我聞敷淺原
四時錦繡披其上僧房多五百綴蜜脾其下湖水匯千
頃鋪琉璃安得此身長羽翼共君直上陵厓屨招携五
老蹋明月松花滿地松風吹

袁啓旭

士旦
中江

三月二十七日同有黃山之遊由沙城至仙源輿
中卽景聯句得三十韻

不負青春約

梅文
鼎

真成黃海遊繁香綠菜隴

梅
庚

空翠滴

松丘瀑斷還啼鳥

袁啓
旭

枝高或挂猴峯腰盤路細

鼎

木

未噴泉流隔竹樵人斧

庚

臨磯釣者鈎亂雲生衆壑

旭

巉壁嵌飛樓谷響行相答

鼎

嵐光坐可收劔林驚乳雉

庚鞭石駮潛蚪憇嶺時停策

旭

聽鶯一掉頭綠塍畝水

碓

鼎

青嶂仰山堦徑笋捎衣住

庚

墻花壓帽稠妬晴泥

滑滑旭將子鹿呦呦殘雨欺臺笠鼎輕寒眷罽裘村膠

隨意進庚野饌不時羞馥礪蘭全茁旭登盤蕨早抽沙

紋縈郭索鼎林影叫鈎輻危徠枯根迸庚蒼藤古洞樛

茶槍將試夏旭麥穗漸迎秋農未籩篠秉鼎巫神曼衍

酬地丁開石罅庚山甲透巖陬紫蒂蜂鬚綴旭青蟲鳥

眼偷喙鳴蹊木應鼎蠕動水田浮孤塔靈鷲遶庚叢祠

野魅投風腥穿虎穴旭潭黑鬪龍湫畫壁空亭怯鼎危

崖倦客愁迴岡奔似馬庚臥石爛于牛佩淵村翁怪旭

衝煙渚寺幽荒荒通遠矚鼎汨汨恣冥搜仙樂雲中下

庚胡麻洞口留軒皇遺蹟在旭丹鼎許相求鼎

經麻陂潭

翠嶂排天出空潭下杳冥濕雲低鳥道陰雨逼龍腥俯

仰身將老經過眼倍青蓮峰真在望冉冉見仙靈

仙源曉發喜晴

同汪栗亭吳綺園東巖梅勿菴雪坪

天許名山約春城放曉晴水聲低出樹花氣暖聞鶯已

辦青鞵爽真擿白袷輕容成倘相待應共碧霄行

望黃山志喜

攢天翠嶂出氤氳仙路人間此漸分好乞軒皇丹藥去

坐騎黃鶴破層雲

從芙蓉嶺歷青龍潭觀瀑入黃山經始

大化孕靈奇劈劃自軒后表裏固重關奔湊成錯繡層
巖脫胞絡盤折出天竇一聲散千瀑合流會羣溜轟騰
觸巨石曲折逗巒岫飛沫噴霜雪早夏亦冬候神物護
爲淵珠鱗孰能究徒然明鏡光豁達鑒黜繆於茲崑眺
聽頗益神智茂明當恣冥搜極與大圓壽

午後投松谷菴山僧導至黑龍潭憇石

牽侶入松門步步接香葉眷彼山中人雲霞在几鳥朝
朝採松英暮暮餐松液法因龍象開地以凡真別桃花
亂如烟朶朶飛蝴蝶更有千篔簹琳琅曼霏雪空潭雜
坐卧石漾波明瑟倒映丹霞峰容成倘可接將毋鶴駕
來天風響鈇笛

上石筍石遇雪是三月晦日

拾級破重冥支藤已雲杪手摩青芙蓉峰青不了大
峰作琪花小峰作瑤草更有千萬峰化作蒼龍矯一峰
如嬋娟當門立窈窕翩跹絢明璫陰森下羽葆仙家氣
候殊頃刻惑昏曉四面吹罡風暄淒割冥窅飄飄送春

衣盡與瓊葩繞扶搖高不休吾其抗塵表

投宿北斗菴

一名石鼓菴

冉冉夕陽下荒菴定有無人從青嶂落僧與白雲孤小
立收諸相羣真聚一區星光滿林壑不敢夜淡呼

坐飛來峰松杪倒窺諸洞壑復臻軒轅峰絕頂

何山非蓬萊何樹非赤松言乘朝霞升遂騰萬仞峰衆
松盪爲雲一松矯成龍飛步凌清虛身與龍相從頂摩
蒼靈垓趾躡金銀宮清昊何漭沆懸島皆玲瓏石理互
參錯朱羲無蒙籠解衣覆幽石脫舄臨清風軒后其匪
遐招予息微躬浮丘儼前導僊掌開玄穹紛紛沍沆漑
的的承芙蓉寄言吹笙者無爲上華嵩

鍊丹臺

攀斷龍髯去不回洪荒突兀有遺臺雲垂寶鼎玄珠湧
日照靈松赤霧開翫道正須勤服食鍊形真得遠塵埃
蓬萊自在人間世咫尺丹梯莫浪猜

繇松石行廻望光明頂下穿鰲魚洞上百步雲梯

抵蓮華峰

仄險不可名高下非一狀大儀相幹旋變現莫能量環

錯沙紅松鬱律光明相洞府闢豁訇訇穿沓障陽雷
惕虛危陰井駭澎浪升若蝸涎壁降疑鼯窟益千折歷
地底一躍出奇壯天梯更艱阻丹級絕依傍竟踏蒼龍
脊四體渾簸蕩的的紫蓮華宛轉赤霄上仙辨開冥濛
列曜紛相讓芙蓉三十六拱揖誰當抗餐英坐其顛流
睇儵神王逍遙見天倪懷抱領清曠堯舜皆糠粃長嘯
絕塵埃

文殊院四首

遙踏飛梯控石梁千巖松樹晚蒼蒼人間路有三山接

天上光容一線藏大塊許誰司橐籥羣仙終古愛清涼
壁間有仙跡小清涼
三字隱映石髮間 聞風恍悟重來路記得前身飲玉
漿

嵯峨萬頃絢芙蓉瑤草金光處處封列宿乍高猶到地
亂雲數點欲迷峰傳書倘致三青鳥跨海誰駮雙白龍
縹緲遺弓煙霧裡香幢愁送暮天鐘

靈矯何年切太虛餐霞真擬化人居玉壺冰淨難爲醴
金液方多不著書身近藤蘿疑夢寐煙生林壑坐躊躇
諸天肯與塵凡接只恐平生氣未除

左右羣峰瑣寂寥
天香冉冉蕙風搖
神獵月下丹梯險
仙姥雲來絳節朝
采藥一僧凌碧落
吹笙孤鶴度清宵
姿容自信如冰雪
不待浮丘素手招

咏松三首

千山只一松
各自爲變態
朝朝暄蒼煙
暮暮染螺黛
盤拏出雲根
終古絕附麗
一松一仙人
絳節朝黃帝
一雲鋪作海
衆松散爲濤
安能駕舟航
脫帽挂松梢

山中戲柬靳熊封明府

策杖遙穿萬壘霞
天風吹上紫蓮華
雲邊不見神僊鳥

谷口誰通霄漢槎
采得紅芝逢玉女
坐來丹竈熟胡麻
宅年簿領如清暇
待我平分勾漏砂

慈光寺二十韻

寺卽硃砂菴
明神廟時爲普門和尚
勸建內有慈聖太后所賜藏經

七層滲金佛像千佛紫袈
裝紫金盃盃錫杖諸法寶

紫氣玄都上丹砂
斗極中龍髯超汗漫
雞足闢洪濛
仙境榛蕪剪禪心
混沌通一乘
開象教萬壑破蠶叢
日月金輪轉乾坤
玉殿崇精誠傾國母
法相表神工椒閣綴
音降旃林聖眷隆
牙籤標貝葉錫杖駐花宮
瓶盃盃毫光
白袈裟繡錦紅御香
春靄靄脂澤水泐泐
世許僧徒護

人瞻佛力雄百年留想像十地盡昭融
虎拜空堂月猿鳴上界風
珠旛輝晝夜鼉鼓震西東
晞髮羣靈遶尋真野客同
青松趺老衲朱草發童蒙
嵐翠淡何極泉源去不窮
雲英霏鬣鬣海氣絢瞳矐
采采三芝得脩脩五蘊空
竭來高頂宿髣髴抱遺弓

留雨峰禪師主席慈光賦贈同栗亭諸子

南服名山此大宗橫天三十六芙蓉
軒皇遺跡丹砂在聖母慈音玉檢重
誰結蒲團棲海岳漸飛花雨淨雲松
從前浩劫師休問法物常看紫氣封

浴湯泉

軒皇上昇後膏沐留溫湯紫雲相盪潏
一氣氤陰陽風輪煽海底朱火豐
中唐巨霸司威沸終古無寒涼
丹砂運炎景赤水揚飛光伊惟神漢通
實以珠龍翔王母何翩躚洗妝浥
明璫更有廣成君晞髮臨扶桑
我來沃焦鼎蕩滌超遐荒一浴氣
氤氳再浴神洋洋揮斥盡八極
吐納皆瓊漿矯首謝世人爲樂洵未央

山樂鳥

雲韶終日響空山知有飛瓊控鶴還
比翼同聲松栢裡

春風吹不到人間

芳村遇雨四絕句

天放晴光五日遊，入山嵐翠出山收。
籃輿坐看千峰雨，幾道飛泉趁客流。

朱櫻碧桃花滿溪，芳樹人家徑欲迷。
布穀鳥兼鷓鴣鳥

千聲只作一聲啼

底事出山晴不徹，濛濛煙霧作絲飛。
多應昨過龍翻石，帶得孤雲化雨歸。

一雨能清塵外踪，回頭雲海隔重重。
關情最是天都瀑

千瀑應成千白龍

神鴉

通山只此二鴉佳客來則迎送

紫海仙人化古鴉，雙雙沐浴青蓮華。
昨宵導我升蓮頂，共啄扶桑百丈霞。

龍翻石畔見櫻莸花

瑤池舊種蟠桃樹，不信朱櫻能作花。
想是麻姑太狡獪，賺人靈液到仙家。

文松

相傳蜀僧移峩眉山種

黟山諸松各天矯，獨有此樹雙亭亭。
老僧解取西來意

博得我媚數點青

曉發陽村抵潛口道中卽事

層層黛色欲摩空盡日人行碧篠中雲碓響添前月雨
春衫寒受落花風山村茶筍家家早津路橋亭處處通
始信仙居在圖書草堂猶隔阮溪東

紫霞山試茶詩爲栗亭賦

阮公溪畔是仙家山上旗槍帶石霞穀雨過時堪小摘
洞雲深處有靈芽烹來活火三春候坐傍濃陰一樹花
莫道盧仝偏好事天香未許世人誇

梅

清

淵公
瞿山

黃山紀遊詩一百韻

夙昔懷黃山屢負仙源約初爲風雨淹雲嵐盡如幕後
逢霜霰零巖巔北風惡茲當六月中旱魃復爲虐同游
色俱沮畏炎勝炮洛嵐影掩人懷幽興愈飛躍權爲松
谷游竟日聊可托戒僕起中宵東方尚鳴拆晨光辨依
稀群巒漸磅礴芙蓉與望仙峰名始相索其西爲翠微
循流分澗洛雙石立關門交牙爲鎖鑰自此斷人煙塵
埃何地著日午抵孤菴陰松四寂寞衲子善迎人濃茶

再三淪指點五龍潭俯仰濯幽魄向晚夕陽斜半射雲
中崕三十六高峰將毋見大畧老僧謂不然所見乃包
絡何處爲天都驟驚邦與郭余乃疾聲呼高懷那能遏
且莫返籃輿芒屨更緊縛燈前問已經曲折預商酌山
中鳥聲異如鈴復如鐸是夜不得眠暑氣秋先奪披星
促飽餐濟勝鬪強弱初從礪底行莽溪杖難撥所幸無
蝮虺而乃逼猱獮仰首瞻雲門夾立如懸橐攀援十餘
里始見石筍角城中望筍尖徑寸如錐卓及旁筍根行
百尋不可度迴俯經過地取次在兩屨昨爲仰面尊今

爲培塿末從此識黃山方知不可學群目盡皆瞪群口
不能語繚繞千萬峰簇簇散花萼想像鋪兩海前後何
寥廓起伏爲齒苔與筍互倚角群筍叢聚處忽見天花
落其峰謂始信峰斷因仙喝天然松樹枝接引宛如杓
過橋驚海市一一幾於活肖物復肖人成獸亦成雀翻
疑不是山天工太瑤琢西望西海門一線同箭括日落
紫煙淡魑魅實棲柘戲以石投之頃刻走冰雹回見月
華生咫尺透衣葛夜宿獅子林孤燈吼堂灼下界盡炎
方到來抱綿杓晨陟鍊丹臺海氣寒漠漠波濤無定形

晶光流活潑惜哉丹竈存何人更采藥東登光明頂其
勢轉空擴天都與蓮華鼎立差相若何物神鰲洞五丁
幻開鑿側身下宵冥以手代足摸百拆轉雲梯踵與頂
相錯左右茫無據魚脊幾多濶盤繞上蓮花目眩魂逾
愕一竅汲天心升堂學猿攫進退分死生從者泣還謔
以身殉奇觀葬此抑何忤賈勇登絕頂閉目喘交作蹲
身抱危石曠哉吾眼豁其北爲九華其西爲白嶽天日
嵐幾層金陵煙一抹長江襟帶間大海等漚沟週遭數
千里指顧了吳越苦無雙飛翰乘風化孤鶴下此險亦

夷如夢驚方覺吾將歎觀止仙境愈奇駭巍哉文殊臺
凌虛稱極樂大海此中央萬笏擁閭闔木榻求小憩雲
氣虛相搏香厨何所有菜根慳大嚼東下小心坡前此
膽仍怯洞壑隱層層經過不知數杖拂老人頭始抵天
都脚天都千仞高游者步齊邨無徑置綆梯壁立矗如
削微風吹縹緲隱隱聞天樂過此磴愈滑經年積枯籜
一峯變一峯凡骨盡皆脫屏幃開硃砂燦爛布丹艘古
衲棲中峯形容見古靈握手如故人引我宿山閣是夜
月愈明抱琴兩酬酢諸天齊峇響拱立儼瓔珞凌晨浴

湯泉手弄珍珠沫昔爲仙液噴於今起民瘼浴罷歸桃
源龍潭辨尺蠖長晝息精廬餘興尚搜掠山中凡七日
何能盡廣博峯峯現霽色良遇不爲薄山靈有至性聞
者徒糟粕大都隨意游翻令真趣獲明日出湯口分源
尋擲鉢惜未識洋湖海後何年泊

月中看海歌

君不見黃山六月如初冬坐來暝色驚朦朧晶光倒射
千芙蓉孤月隔在天都東此時高興群相引褰衣直上
光明頂欲見未見齊引領一丸無縵如升井又不見峯

峯冷浸玉壺秋星光滴瀝沾衣流咫尺群仙不可求無
言默坐心悠悠忽然老衲一聲吼白雲萬頃奔騰走須
臾變幻如蒼狗三十六峯何所有又不見水輪倒轉銀
河翻虛空絕壑生波瀾浮槎漭蕩泛巖端觀者目瞪毛
骨寒人言鋪海須天曉誰知月窟開瑤島天教幻境補
天巧今夜奇觀那容少

五龍潭

一庵廻抱萬松欹六月來游暑不知松谷遺縱何處覓
五龍潭上立多時

重遊黃山卽事九首

天半雲門路嵐光分外明一筇今日倚兩屐舊時輕幻
境原無數重來更問名神鴉吾未識親見白猿迎
湯泉香氣滿遙指石橋邊京憶當年最溫憐此際偏只
知如我意誰解是天然浴罷輕雙腋高空直可騫
古帝棲真地天開此一都霓旌圍碧落閭闔入虛無火
息丹應轉雲來海自鋪何當凌鶴羽隨意遍靈區
危磴千層繞靈泉萬壑通高聲難得解指顧那能窮上
界疑無級諸天各有宮一聲長嘯發人在翠微中

兩源無徑覓丞相與桃花石隙驚僧入雲根對面遮隔
溪啼樂鳥半嶺焙仙茶轉憶畱題處扶筇興尚賒
三十六峯下高人飛錫來名山畱位置巨斧重徘徊
樹子初結木蓮花正開相逢成唱和歸騎莫頻催
老衲何年別重來認舊顏真能成白首果不負黃山大
海供開眼孤雲伴閉關苦根與珠菜採食異人間
聞道沙城約仙鳧兩縣飛名山應有主隣境總相依覽
勝風原古尋源興不違追隨予未及峯際見餘輝
濟勝今非昔登臨獨漉然力衰經石坐路險借藤牽香

水三回浴精虛兩度眠還來更何日拂眼萬峯巔
登文殊院懷果亭于鼎綺園東巖天士雲逸諸子
三十六峯立當面看山雙眼隨時變我來黃海尋舊遊
扶筇直到文殊院此峯突兀不可當儼然一座凌中央
峯峯羅列拜其下何異萬笏朝天闡天都在左蓮花右
蒼茫雲氣分前後雖然大海未全鋪意中已覺洪濤驟
憶登高閣倚橫川揮毫日對雲門巔閣上詩人忽分手
空留墨汁生秋煙諸公俱有尋山約坐令人事多紛錯
贏得山靈任我呼萬壑都從腕中落

煉丹臺

黃帝棲真處遺臺舊蹟荒誰憐丹竈冷不散紫芝香
鬣生雲氣嶙峋吐劍鋌何人采仙藥大冶火重光
指月庵和施愚山壁間韻

爲問丹臺路仙源何處家片煙開佛座渾石吐蓮花
犬吠峯陰暝筇扶夕照斜孤茆清味足雲霧煮仙茶

光明頂

曠絕光明頂天南四望空誰知孤嘯處身在萬山中呼
吸風雷過巘屹日月通仙蹤如可接何必夢崆峒

蓮花峯

仙根誰手種大地此開花直飲半天露齊擎五色霞人
從香國轉路借玉房遮蓮子何年結滄溟待泛楂

文殊臺

雲裡關天閭仙宮俯泥茫萬峯齊下拜一座儼中央側
足驚難定凌空嘯欲狂何當憑鳥翼從此寄行藏

慈光前同八公夜話

主人黃海住十載此相尋留我山中宿都非世上心月
低聞鶴渡潭靜識龍吟不忍虛良夜巖頭更抱琴

坐菴花源小閣看白龍潭

路轉群峯變翻疑別有天橋通人跡少閣倚午陰偏龍
甲千澗隱潭聲萬壑傳欲求高枕臥幽夢恐相牽

接引松

接引無心不易逢誰知此意在長松詞人解識西來偈
題向黃山第一峯

翠微源

黃山奇絕信難求獨有茲山境最幽不盡松聲隨步起
何來溪水接雲流

齒苔峯

九疊芙蓉到處青披襟此日眼初醒懸莖直出高空外
瓣瓣寒香散杳冥

一品峯

清秋萬壑一峯懸閭闔朝開散紫煙披對自然堪下拜
儼如袍笏立巖前

湯池

凝砂噴玉不知寒聞道仙人此濯丹浴罷莫疑仙路遠
臨流忽已長飛翰

金之麟

漢白

曉過雲谷

嶺路凌高空出雲還入雲自非耽遊癖誰肯衝氤氲探
奇願彌篤戀此鸞鶴羣浩蕩來天風振衣躡紫氛仙人
王子喬招致洪厓君翱翔在虛空清嘯下界聞贈我以
丹藥更貽一卷文下士迷不悟展卷徒欣欣

黃山道中

秋盡禮名嶽霜樹黃紛紛窈窕入谿谷亭午如斜曛筍
輿入曲磴衣裾霑片雲恬心接暇鳥棲鳴皆可群篠密

露天影潭響生霞文願言謝塵垢遙揖玉虛君

山紫石峯望青鸞玉屏諸峯遂至松門

松林古翠寒撲衣一鱗一鬣烟霏微紅塵不解碧海趣

此來兩翼憑空飛江海蒼茫通一綫青鸞點破芙蓉面

紫雲絳節擁丹爐雲中軒后開宮扇石心得路忽通天

俯睨神州九點烟金圭玉笏何時事緬想雲宮帝子年

坐紫石溪尋李青蓮嘯咏處

紫石峯頭生紫烟碧溪夜夜聞流泉傳說有人此長嘯

祥符韻事開青蓮當日曾同殷十四一歌一飲如神仙

萬壑風生夜月靜白龍潭上驚龍眠古人風雅不可作

登臨不禁思前賢地老天荒歲月古徘徊溪上還流連

乃知詩人自不朽其山長在其詩傳

由松砭探蓮峯諸勝

雙屐亂雲內欽崎出萬峯與人或臨水任我獨評松晴

雪依巖出寒猿入洞逢嘯聲巖際落回首一僧從

藥溪望仙橋諸峯

山磬響過橋同游見手招青鞋穿樹杪自裕度巖腰坐

石雲千頃分泉水一瓢昨宵峯頂衲約看赤城標

由繼竺庵尋散花塢
列石巉巉策短筇靈區黃鶴得相從丹崖霽雪疑無路
翠壁流雲忽補松出險嵌空時置屋耽奇劈地竟抽峰
欽崎癖興尋烟海天半精廬繞白龍回首一曾登
雙泉尋藥銚蓮華菴登雲際峰
金繩碧柬貯蓬壺石銚瑤床問有無五掌擎空看華嶽
九螺浮髻辨彭湖巒泉甲乙堪懸榜煙月權衡敢執觚
最是送迎情不減與人高下見雙鳥
由祥符寺人慈光瞻禮金象

峭石凌空幾萬尋瑤簪玉節望蕭森每於月下仙人過
時見雲中帝子臨貝葉尚餘天母跡蓮臺如見聖人心
精廬指顧輝丹碧長者而今又布金

從九龍潭訪雲谷禪院
雪瀑奔雷出樹梢巖邊一榻肯誅茅撥雲穿洞逢啼狖
渡水升崖駭瘦蛟峭入青天人半露寬圍白浪地全包
形骸到此茫無主欲息諸緣構石巢

消遙溪

錦魚溪上煉丹峯軒后當年此參龍一夜寒風濤忽湧

曉來鱗爪是蒼松

仙橋峯

縹緲丹梯控石梁香幢搖曳白雲鄉恍然記得重來路

聞苑曾親吸玉漿

鍊丹臺

負絕千峯盡削成誰知此地接蓬瀛望中樓閣高無數

親見雲中弄玉笙

桃花峯看桃花

桃花四月放巖前蝴蝶雙雙戲紫烟千尺琅玕萬層石

不知身在衆香天

天海

望中雲海嵌飛樓瑤草琪花到處幽彷彿金銀宮裏住

明璫玉女奏笙簧

散花塲

策竹穿雲踐碧苔蒙茸環珮聽歸來葢珠宮裏移來種

化作緋桃到處開

松谷

躡翠層崖最上頭曾從紫海問浮丘一峯一踏雲中路

十日真如到十洲

由松缸尋西海門

軒后丹爐紫氣重萬松開出萬芙蓉海門忽湧金烏日
人立浮丘第一峯
紫蓮萬仞護層霞開出雲中菡萏花西入海門回首望
遙空片片落丹砂

月夜猿聲

一片孤雲萬仞峯月明清嘯出蒼松老猿引子巖前過
恰與詩人對面逢

汪元暉

遙光

黃山道中

秋山望阻淡丹楓乍消歇猿聲當晝啼溪上出還沒鬱
鬱見青壁苔紋細於髮中有棲道人林臥愛山月溪流
嗽石齒岩激響清越筍輿衝白雲稜稜踏山骨
磊磊澗中石瀾漫幾十里拾級仗筇枝樵聲白雲裡翳
翳松栢姿經霜望彌美野人顏色好日月不能徙視身
若芻狗攝生道如此問戶指松巢飢客資石灑何嘗白
髮生立論在無始

蓮蕊峯

蓮蕊接天都流雲勢欲鋪衆峯迴望合一杖到來孤海
氣松巒變晴光竹樹殊欲尋棲道處越嶺問樵夫

雲谷尋雲舫諸勝

青壁凌空起西谿盡白雲荒林鹿相引巖半雪初分異
草香三徑璇宮剝蘚文林端看霽色亭午似斜曛

天海

嗟我連桀嶂遙見金銀峯古洞淡留雪陰崖密綴松儼
然臨玉女卽欲跨茅龍得徑從無徑逍遙雲外蹤

松壑趨石筍石

盤紆訪蘿月絕壁踞虬龍鷲嶺橫天柱琳宮裊帝松石
垂疑欲落雲散忽還濃挿地琅玕碧相看盡怪峯

尋蓮花洞

筍輿入古翠竹樹生層陰巖瀑發空響清音怡我心遠
尋蓮花洞因訪祇陀林往蹟不可見流雲淡復深

由九龍潭將尋雲舫

天路入虛無蒼涼雲氣鋪山門見松柏森立似菰蒲巖
半龍疑下雲巔鶴可呼遠公棲隱處精舍望模糊

入雲谷
香界泯羣象奇探慰所思言尋黃葉路恐負白雲期羽
翼生空際登臨起衆疑諸天鬱相望遙見玉龍垂

白砂菴

澄霽生幽思微風吹綠蘿花宮落仙梵雲外出樵歌禪
意東峯得秋聲北牖多禪棲翠微上心地冷巖阿

翠微菴雨後

松泉多逸韻雨後倍淒清香氣來林樾多從密篠生雲
濤聽浩浩秋水望盈盈兩夕幽人室能移靜者情

晴翠菴

山遠入晴翠溪寒雲欲流猿聲不可聽清響令人愁竹
露霑衣冷藤陰覆坐幽經行看歷落吾意自夷猶

石笋砭

劈地抽峯作笋芽長時雲葉此爲家曾呼石丈看仙榜
好倩天妃散雨花絕壁有松無土氣長年見日閱蒼霞
鼎湖帝子何年去藥銚丹爐委白砂

紫玉峯見雙神鴉

碧玉芙蓉羃絳紗十年夢想兩神鴉每於客到能先覺

必有人來踏晚沙接臂下溪猿飲水分頭上嶺鹿啣花
扶筇細細探雲物好共青蓮采月華

蓮花菂

蒼苔紫蘚石梁高一瓣花中置屋牢毛骨電光堪絕倒
守爐丹藥問猿猱

宿松谷菴同友人望月因上烏龍潭眺望共話長

生丹訣

碧山霜月聽吹笙何處天風問玉京誰肯長年雲際宿
偶然一過想長生

釋傳悟

雪莊

進黃山

己巳十一月初八大雨淋頭幾曾歇僻性從來愛住山
躋攀那管石頭滑芙蓉萬仞蒼松寒短筇濶步窺雲端
衣裳翠濕不知冷白雲一望空漫漫石筍雲中忽有無
米家樹法真模糊欲向此中作枯坐隣僧送入烟雨圖
雨雲漸黑不肯在隣僧向我先辭去且學山禽理樹枝
架巢好做棲身處噫嘻吁太古之時有巢之世境界誠
不愧

看雪

自從入山來寒雨不斷絕
堅冰凍作花樹石寒氣結玲瓏
愜心意履險徧較閱始信天公巧
名手色難設取法月餘日暗補
從前缺精微欲語人舉似不能說
趣味自耽賞梅花先漏泄造物真
我師指示倍親切冒雨不入

山錯過一冬雪

山間 祀竈

一念無營髮已斑
天宮可有鶴巢閒
吾神旣已朝金闕
上帝應知雪滿山

雪夜聽泉歌

人誇黃海峯巒奇更有水聲人不知
怪石古松形已定水聲變幻神魂迷
凍雲欲雪春冬夜竟能萬狀生
驚疑側耳披衾趺坐起恍聞天樂聲
漸邇君不見伯牙學琴方子春
獨得移情海島裏須臾鶴巢聲雜陳
一十五國鄉語真老少鄉語難悉數
哭者笑者携兒女聽久淒涼心轉悲
琴瑟簫管笙簧聚遠峰梵唄百千僧
海螺魚磬鏡鈸捶鐘鼓近聲宛有煉師浮丘翁
偃月爐中捉龍虎又似仙客容成子
相逢黃帝談懸圃石崖下聽讀書聲

定有高隱來高吟又似肩輿車馬過橋嫌路狹人夫擁
擠相喧爭隨後又聽鄉邨山縣賽社會銅鑼無數大小
參差嗚吁嗟乎我昔曾愛采石松下結巢聽五載松風
江月未見有此情此時一身如非人世裏澄心靜審知
奇水此山秋夏未必無水聲水流太急音難美遊客何
能來此春冬飛雪時晴暖思遊事已遲山花山鳥許君
領紅樹鋪雲見有之如斯奇聲若非坐臥雪中靜聽安
得知要知黃海不獨峯巒奇

雨霽

髮白只餘閒雨霽春光妙兩月不支筇巖花向人笑

采野笋

山味閒尋玉版佳携筐頂笠着芒屨徑從鳳尾雨聲入
平取籜龍雲氣埋不慣世間餐濁物只宜天外飽清齋
道人此樂知誰解未必閒人更可偕

喜慈光方丈過訪

古貌閒情總自然衲衣機笠與翩翩且能弄墨真風雅
却也開堂非俗禪訪拙高峰憐水石搜奇短杖撥雲烟
交遊恕我形骸外想屬多生萬劫緣

得南邨故人書

訪我松巢老故人久沉音問想精神
分題柳色初交夏握手鶯聲幾易春
采石山頭情尚在雨花臺畔信難真
書來黃海應珍重暮景臨風意倍親

修樹

元鎮樹瘦直威熙樹古怪修就各天然
道人收入畫

看晴嵐懷師古上人

紅樹秋山一杖探相思無限起晴嵐
交遊聚散顏俱老握別寒溫語再三
佛子嶺頭重晤對隆昌堂內舊同叅

何時偕伴來雲舫樺蠟高燒徹夜談

煮菜

空山飽野菜白煮飛香氣遙憐城市人
安知此真味

雲舫

藏拙溪山過此生蓋頭今喜把茆成
白雲鋪海居如舫一葉波中自命名

光明頂下群峯秀怪石奇松章法成
取得樹皮新構屋問人大半不知名

雲舫雜景詩

常聞遊黃山者多喜問石似人物鳥獸故事看而悅
之不禁暗笑此皆峯巒松石自具奇姿今結一廬在
光明頂東下五里卽舊皮篷荒址顏曰雲舫因白雲
鋪海時一廬如舫或白日推窗臥遊領趣或斜暉策
杖登眺孤吟晨夕樂之峯石亦多似人物鳥獸今畧
取一二特似者肖形命名各系一詩聊以自娛云爾

石狹兒

坐雲舫主峯上仰首
望之愛其天真爛熳

愛此一片石忽具嬰兒相爛熳總天真嬉笑峯頭上

看松羅漢

跌坐青龍第五峯巖畔方袍
圓頂俯看一松若有得焉

空山日領趣我愛石羅漢崖邊一株松低首時時看

面壁頭陀

在青龍第七峯下偶一觀之
如丁雲鵬所畫面壁圖無異

頭陀長面壁非是爲梁王祖庭秋晚矣不忍見兒郎

舉頭天外人

在青龍第八峯外孤立若
望久不覺令人淒涼悲感

何用舉頭看天外自茫茫不獨君孤冷山僧鬢已霜

月明和尚

在青龍第十一峯上日
輪西映見者不覺失笑

月明了道衲度友走空林遊人莫錯議一樣石頭心

空生宴坐

在青龍第十二峯石岩間兀坐披水田
眉目儼然如唐貫休所畫羅漢峯之上
有無數天人奇形異狀手各持物又有野猿探
望其傍神情相顧梵語須菩提此云空生經

中在須菩提尊者解空第一悟一切法性皆空
故嘗於空山岩中宴坐不求衣食感天人送供

尊者悟性空巖間長宴坐天人與猿猴送供如日課

慈雲大士

主峯之右石屏上多古松翠栢雜樹野
花春季秋仲屏如集錦借薄霧輕烟若

慈雲大士現身其上頂華冠
垂瓔珞具慈愍性披髮俯視

現身長救苦能以耳根聞天上及天下誰不仰慈雲

天醫

在虎頭第四峯絕頂面西北端坐每當午後
眉目皆現且身傍藥輦葫蘆大有濟世之意

世人多俗病先生請去醫山中烟霞客金丹未足奇

伽藍帝君

坐鎮虎首第五峯面西與雲長公
無二又有一石如人叉手侍其傍

一基廢已久奉佛見誠心威軀猶掛甲守護到如今

李老子

與伽藍共一峯石生一碑無字老子倚碑
側而坐面東北黃冠白髯大有画意又有

崔髮童子左足邊亦倚無字碑而坐又有
一人在老子當面近衣邊坐背向老子打睡

老氏談道德聽者打瞌睡却笑小童子何為白髮出

菜園虎

山中種菜最怕老兔猴子野雞之屬偷食
獨雲舫園中一莖不動必虎兒看守力也

園中石虎兒性善誠可愛不知誰遣來日夜長看菜

聽泉僧

在當面一小峯頂上松石間坐披
水田衣露頂側耳似聽遠樹泉聲

老僧披水田呼他總不應真性觸泉聲日坐松陰聽

石僧指路

立峭石之上
手指雲舫故名

我愛秀峯間結廬自俯仰石僧瞞不得指客長來訪

鸚鵡石 在路口客過雲筋上下皆從鸚鵡
鵡嘴邊過通身生綠苔似毛羽

鸚鵡出籠喜綠羽路傍看若待宋使過好問上皇安

姊妹石 進鸚鵡石仰望虎首
高峯上相依相顧

石頭小女兒登峰且携妹熱熱依依情見者無不愛

羅漢薰塔 進鸚鵡石數武樹縫中看
去有無數羅漢繞一石塔

相傳五百尊長住天台山何以黃海中偏偏繞塔閒

群仙會 在當面一小峯之外一仙科頭回顧松
陰亂石間隱隱無數仙人隨後而來

知我曾學仙邀伴勞神用我今初結廬蟠菴還未種

雙獅兒 在二層面山第三峯絕頂一獅面雲筋而
坐一獅匍匐坐者之後欲跳皆神情相顧

俊哉雙獅兒對爾消寂寞想恐百獸驚不露爪牙惡

角鹿 與獅子共一峯忘機而坐
頭角悉具人見皆疑真鹿

不隨麋鹿群終朝只幽獨獅子共忘機想爾非凡鹿

上山馬 在二層面山第五峯坡
上高昂其首絲尾搖風

神物竟無主空悲千里驥因世少支公潛走溪山戲

喜翠微方丈雨和尚耑僧送米

性癖烟霞世味忘甘尋野菜點饑腸慚余技拙巢林久

多謝堂頭送鶴糧

和吳子雲逸原韻

賦詩

莫疑披髮怪奇人豈是桃源秦代民好靜世間難着足
結廬天外遠離塵常年只合烟霞伴四顧無非木石隣
老友傳君欲相訪峯邊日日倚龍鱗
僻性世情非所好生平丘壑意留連倦來觀水窮幽谷
興發登峰上絕巔群雁影無雲海內孤猿時到野僧邊
逍遙物外忘機處徹夜松根月下禪

山中聞汪右湘居士作古人感賦一絕非此道
記得去年重九日邀余分韻綠叅亭綠叅亭子今猶在
人去空餘花自馨

偶聞

黃山路苦訪僧難不用登山細細看若問山僧真面目
山僧如雪一般寒

除夕

寒極松盆火不炎何如淡領黑中甜人憐此夜殘冬盡
我愛明朝一歲添轉覺瘦軀忘老狀却欣華髮更莊嚴
笑將衲被瞞頭睡睡待金輪照短簷

春雪

雪飛一夜淡三尺到底春天不甚寒曉起倚筇憐玉樹

枝枝竟日當梅看

雙鳥

兩雪溪山誰最親
雙鳥索食往來頻
野人每飯留鳥食
聽見鳥來如故人

祝慈光方丈中和尚

四旬開士道超群
行道多年遠近聞
座繞一千餘指衆
鐘搖二十六峰雲
陞堂法語元關透
揮塵河沙壽量分
想見幡幢香霧裏
天花終日落紛紛

題帶雨遊山圖

辛未夏六月偶携杖帶雨遊獅子峯因作此圖并題一律

避俗又披髮遊山偶戴冠
晴明夏月少興趣野人寬
峰面雲開潔松稍雨過寒
徐行笑清侶莫作散仙看

題畫

野僧孤僻性愛住黃山
巔終歲有奇冷四時無暑天
未秋先向火每夏不離棉
最喜評松石逢人嬾說禪

偶成

聰明本駕血氣起血氣一衰
聰明止嬰孩未壯無所知
靜察知知不可恃吁嗟乎我
愛龐公入手高巧證心空
真及第

和吳雲逸雪後見寄原韻

傳說水激妙水激園名知君日掩扉愛閒得靜趣好雅到幽

微園潤山連屋窗虛雪照衣古梅花幾樹處處暗香飛

壬申元旦懷栗亭先生二首

膽瓶長日供梅花

瓶中梅花數枝皆栗亭翁所寄

松葉炊爐試紫霞

紫霞

茶亦栗翁所寄

笑對奇峰消受汝故人貽我故園茶

石含曉色姿偏媚日吐新光氣愈華遙憶故人花事裏

尋詩滌硯冷生涯

寫雲舫數峯寄青雀先生

三年冰雪窖中人瘦鶴孤猿日與親他日雲亭得相訪

好携冰雪話宵晨

聞道曾探六六峯紅藤想像到皮篷為公寫就荒寒色

到眼還疑是擾龍

題畫松

黃海松古奇高者四五尺最小亦龍鱗頂秀而顏碧結

根峰之巔依依今與昔何止千萬年冰雪情不易愛極

寫一株欲寄知音客閒向紙邊聽清濤拂幽石

看山杜鵑花

滿眼花開倦客天看花強步石崖邊
淡山那有離人淚也染鮮紅血杜鵑

得柴邨法兄書

雁杳魚沉十二年封書忽寄海雲天
空嗟兩地頭俱白讀罷拋書枕石眠

除夕

細檢從前除夕詩幾多師友共棲遲
采江再聚惟憑夢

余與虛舟法姪同結翠螺松巢今忽聞作古矣 邗水重親只有思
聞剃度本師別老人示寂

北來 山響爆聲增髮白雪圍松火覺情癡
淮陰書訂明

秋約莫錯西華塔畔期

淮陰諸同門相約掃先睡翁老人塔

題畫為潘雪石太史

石室終年戶不關無邊受用水兼山
白雲却是知心友日日飛來伴我閑

題畫為袁杜少太史

溪光山色兩悠悠寫供知音作臥遊
最是此中真受用天荒地老不知愁

題畫

雨霽溪光一片明四山秋色少人行
誰家釣艇松根下

細細濤聲雜笛聲

題畫

半生高臥白雲間
數月京華客未還
昨遇故人問丘壑
依稀寫出夢中山

題畫爲阮澄江侍御

奇峰削空碧對此
動山情昨夢登樓坐
滿林春鳥鳴雲
光映水白花氣襲衣清
不慣京都客心心買棹行

題畫別少司寇丁公

昔棲采石嫌山小山
溪不被世情擾因住黃海山
最淡

千峰萬峰削雲表
道人披髮瘦峰間
無修無證無事了
日日看山聽鳥啼
夜眠松下月皎皎
雪埋雨浸骨倍堅
菜根笋蕨隨分飽
五年漸次結茅成
花逕四時遊客少
何知清福不易銷
遠勞丁翁遍搜討
大寒大暑出京來
八十山行無懊惱
去年兩度來山中
白雲飛向身邊繞
見我閒散疑是仙
傳
肯促上長安道
野人不解入世法
滿目繁華倍枯槁
京
雒氣候與山異
春盡何曾見春草

聖恩仍許雲海居
從此餘年皆再造
欣奉

明詔還故山願依雲舫以終老

題畫

信筆成雲舫看圖却自驚林巒非彷彿戶牖甚分明
苔草夢中綠禪心物外清欲呼伴侶出細說客中情

題畫

茆屋松陰下濤聲白晝寒此中寒不了欹枕看峰巒

偶成

飄然寒雁聲中客佇立黃花香昨樓欲問世間誰得似
一輪明月碧天秋

還山

作客金臺幾不同一峰相見一開懷經年夢想林間屋
今日歸來景倍佳

雨中偶成

入春終日陰禪榻白雲淡雨雪透爲落圖書盡透淋冷
僧閒似鶴流水響如琴遙想梅旅叟空山繫遠心

久陰忽晴口占

雲海連陰日流泉弄管絃雪凝瑤草屋冰挂水晶簾忽
夜千峰霽當空一鏡懸道人詩興動不肯坐枯禪

連雨

連雨千峰暗春寒未可登花遲空鳥語徑滑少猿騰短榻喜長臥虛窗懶暫凭白雲情最好日日伴閒僧

癸酉元日

籜屋簷垂冰凍堅芳晨啟戶喜晴天曈曨日照千峰雪靄靄春回萬壑烟寥廓閒心無舊夢婆娑白髮又新年寒巖難却東風暖漸促花開几席前

金絲梅

一名山臘梅

山中獨尔早踏雪看金絲幾樹春初艷羣芳未許知

汪瑞齡

虞輯

由湯池尋仙橋諸峯

萬仞聳穹窿衆山邈難匹風馭忽冷然躡翠窺瓊室丹竈滙雲漿洪鑪炊沸澤梯石問長虹層陰闕寒溼茱竹拂欹雲深松漏斜日夾石露小天風泉莽蕭瑟倚磴俯懸崖人與翠微一

黃山雜興

名山八百里地雜佛與仙相傳軒轅氏輯瑞天都巔浮丘與容成輔弼相後先又傳阮與曹丹成駕雲輶浴身

向丹池澡濯火龍涎更傳文殊臺當年此棲禪其後爲
玉屏一屋當崖懸天清聞妙香山花自孤妍密松走鼉
鼉澄潭闕龍涎取徑蓮瓣中凌空摩蒼烟樓臺層氣高
橋梁虹色鮮變幻在夕陽滄海忽桑田我來閒領畧光
影非徒然何時住此中早食還晏眠與之數晨昏換骨
應高蹇

浮丘園

青崖走白鹿石戶成仙棲左右金銀臺玲瓏橫丹梯翠
壁見海日緝空聞天雞杳渺觀層洞中有清猿啼悄然

移我情澗入如欲迷

石床峯

雨洗芙蓉艷瑤花鷲嶺栽翬飛金作柱祇樹玉爲臺萬
壑松風得千巖雪瀑開雲霞如有意漸近石床來

蓮蕊峯

路隨蓮瓣轉雲破一峯開海氣憑空捲飛泉挾雨來松
多成苑囿蜃欲結樓臺晞髮當天際崢嶸踏碧苔

海門望鋪海

山勢爭盤鬱新晴積氣鋪波濤驚陸海鄉國有蓬壺霧

結黃金鼎雲升太乙爐莫愁仙路杳翹首是天都

登蓮華峯

摩崖登嶽頂秀絕是天門紫洞翔青鶴蒼巖走白猿雙
跌千嶂靜獨立一身尊悔煞來來共討論

過散花塲尋始信峯

噴吼新霽踏層冰山骨蒼然抱古藤冷日正飛嘶雪鶴
寒雲忽到負樵僧塲香天女花爭散柯爛仙人石可凭
携得短筇貪入險望中始信峯名盡情登

平天砭

千萬奇峯一徑微山中到處藥苗肥雲遮嶺半橫難上
鳥噪山腰凍不飛古雪洞門霑客屐老猿屋角守僧扉
蛟螭屈曲看枝幹三尺高松大十圍

天寶峯一瓢庵

冷壑疎泉隱竹籬冰花鐵幹望離離忽經眼處峯成絕
曾放人行徑未奇荒澗凍流圍古雪斷崖疊石上朝曦
此中得我游踪到好賦從前未賦詩

飛來峯壑中望瀑布

峻絕初疑路不通每從懸縞入函中巖分雪瀑長浮白

山蓄丹砂肯放紅
桀嶂礙雲先得日
奇松擎霧晚搖風
仙家珠樹何年種
長有琪花出梵宮

松石

神州蕩崢嶸
飛煙垂石壁
靈域真氣多
澄鮮潤松栢
石門峯

板屋夜鐘寒
萬壑秋風發
石門雲影飛
界破山頭月

文殊院

積雪浣層崖
流光自延旦
肅然禮玉屏
忽落一聲磬
曉望蓮華峯

流雲岩晴巒
石瀨瀉奔浪
遙看旭日升
散在蓮花上

九龍潭看瀑

循次赴千崖
澄湛沁心骨
瀑布九疊飛
冷浸松間日

由趙州菴尋白雲巖故址

松作虬龍壓半空
老僧趺坐鶴飛雙
我從蓮葢支筇過
浩蕩天風倚翠幢

晚過響雪亭是夕宿狎浪閣

向晚來披響雪亭
白雲深處不開扃
一宵瀚海疑龍戰
擁被山窗不敢聽

登天都峯

天都一尺接青天坐數中原五嶽全更有何山堪伯仲
峩嵒天半也隨肩

由蓮花菴望水簾洞

羽蓋仙幢問碧霞鼎湖龍去剩丹砂好從紫石尋真訣
坐看珠簾濺雨花

登軒轅峯見白猿

霄漢空青望有無珠簾倒影翠模糊老猿直上四千仞
光影依稀見雪膚

王士禎

阮亭
新城

夢與唐祖命遊黃山

昨宵山中駕咫尺窮黃海夢裏軒轅臺迢迢復何在

送孫無言歸黃山四首

昨夢黃山碧溪月白雲三十六峯深朝來却送滄洲逸
興發還爲吳會吟

未能采藥入青城且傍浮丘畢此生知君西渡松明水
已有羣仙抗手迎

硃砂湯口三千頃石筍凌空一萬株更問黃山奇絕處

天都瀑布勝匡廬

廣陵市上賈人子
衮衮錢刀劇可憐
怪爾山中紫芝客
閉門高枕夢游仙

無名氏

黃山詩

見程尚之
硯虹堂語

侵晨誤入黃山峯
三十六朶青芙蓉
林下妖蛇忽不見
花間毛女乍相逢
百歲老翁化作雀
千年古木盡成龍
軒轅已去丹竈在
我來此地巢雲松

徐

頴

巢友
海鹽

觀鄭超宗藏天都雲海圖

日月行腹天挂角
拔地蓮花青倒斲
人煙橫絕有此奇
高懸多恐生雷雹
我昔曾宿軒轅宮
風吹鐵瓦如飛蓬
前峯月寒猿鳥睡
遂有玉斧開鴻濛
始疑錢塘魂抉目
餘氣猶不平怒濤
捲起秋無聲
又如嵯州甜雪不可致
攬衣一掬空英英
三十六峯若游泳
山僧定眼如石鏡
芙蓉一一皆可名
自云變現非真性
茫茫雲海幾隔年
思之每欲白日眠
今日披圖恍入夢
置身忽落天都顛
神氣流兮松露泣
雲容喬兮海澹澹
茅堂石几相與清

白光瀉壁驚飛電琉璃作積水犀籤願君什襲藏之善
出則爲雨潛爲龍塵埃五色那能辨

蔣嘉會 次葵 蔣村

桃花源英英三十六峯蒼澗派山僧安臥收不歸

夾壁飛泉雨天開一線晴蘚多防履滑雲去覺衣輕犬

吠桃花影僧呼石洞聲明霞真可食吾亦棄斯民

談允謙 長益 鎮江

隔瀑投崖詣別岑千山風雨鼎湖深僧茆多結從雲脇

客路時穿過石心松下甲遺誰爲拾澗中琴奏孰知音

龍髯一墮無消息天海茫茫何處尋

天都謾謾長諸峯開盡青蓮幾十重白嶽借雲滋草木

九華分乳朶芙蓉浮丘樹粟偏宜石黃帝爲園止種松

避地只隨君自至豈無人往告羲農

蒼嶺寒松落古筠山中何處見先民松高顛頂禿於我

猿老鬚眉白似人巖豎徑懸蛇下飲僧孤茅做虎爲鄰

如予未及從雲馭遠白軒皇署外臣

陸弼 無從 揚州

黃山志續集 卷七 賦詩

禪智寺送月上人歸黃山

長蘆初問法歸去暢玄宗一衲空山裏孤雲何處逢
寒潭獨夜月秋雨舊房松回首茱萸路相思隔暮鐘

汪逸

遺民
潛口

送俞去文遊黃山

一帶丹青屬兩家我仍欹枕爾餐霞
壁間不少匡廬瀑峯上分明玉井花

汪廣成

天如松
明山

秋日同滄溟上人峻兒登天都峯頂

拾步躡崇岡攀厓成小憇
亘練引長虹秋風數回袂何
年鬼斧工怪作摩天勢
絕壁蒼厓行惟石與石際石
躡老松根不知幾千歲
忽時逢石怒老僧不敢睨
徐徐理杖策乃得穿雲濟
如以燕掠空如以蟻行砌
耳與目俱營身與足俱
樊架木續虛空一脉等
絲細不有五丁神成勞
自此替旣度共絕倒始
覺此身贅行行得玄關
方寫不可詣翻身化作
弓背亦奏殊藝從此逗
虛敞開門見天帝宮庭
自巍峩幻出成古製
雪猿邀不至帝室溟
且閉豈擬從人間故
施百花穗爲結重來
期憑虛瞰一

世

汪道貫 仲淹松
明山

約公臨仲嘉士能遊黃山

丹鼎軒轅閱千秋尚此山何年開溷沌直擬出塵寰源
水通真氣瑤花可駐顏青鞵君莫後仙路正堪攀

遊黃山

羣峯邀杖履百里宿春糧樹辨雲中色山開雨後粧春
遊乘襪襍川路入微茫自昔耽幽事寧知點也狂
嘲康侯不遊黃山

浪說荷衣謁帝來霞城盡在白雲隈峯頭猿鶴勞相待
笑殺王猷興盡回

汪道會 仲嘉松
明山

簡馮開之太史雨中遊黃山

扁舟西上子陵灘來訪軒轅鍊藥壇雲近鼎湖常作雨
衣侵瀑水欲生寒襄城謾道尋真易華頂應知學秀難
明到天都回首望錢唐一點鏡中看

余廷輝 翊辰

題程雯修黃海探奇圖

天都挺閭闔龍從瞰九州古色開鴻濛奇氣傾丹丘君
看五嶽貴安測群真遊伊余慕靈異蠟屐供冥搜顧憐
萍梗泛仰愧煙雲浮因循負此志寤寐四十秋二吳昔
好我械圖遠見郵吳子東巖書淵曾以雪莊大師繪圖寄余時時恣佞對神
往不可留程子故耽奇遇勝輒綉繆披卷讀所記歷歷
真在眸猿鶴如有聞蚪龍儼相繚奮然振予惰畢願端
此由逝將謝塵緣高躡尋吾儔

汪志遠

潛邨

將至石壁山下訪謝彥雄伊可蜚英諸子

乍看羣峭走龍從到眼靈奇漸不同處處山花碧篠外
家家茅屋白雲中輕雷響助千巖瀑細雨寒生六月風
欲向謝庭尋玉樹居人遙指石溪東

登狎浪閣眺白龍潭瀑布

凌空山閣望崔嵬檻外泉聲天上來碧玉光中碧濤瀉

白雲堆裏白龍回

懋蒲團石上見諸僧登天都峰頂

三十二芙蓉天都爲稱首岞峒挺青霄週迴勢何陡吐
納多雲霞嵌竇廠窻牖匡廬皆輿隸九子等培塿我來

不得上倚杖徘徊久道遇蒲團石跌坐當其右乍疑猿
引子近辨僧偕偶買勇上嶙峋攀援惟恐後及至徑路
絕十步轉退九趨趨不得前屈膝兼用肘或援樹直升
或背崖橫蹠矚此且生慄而况空中走我疑峻絕處當
是神仙藪紫床將碧枕器物無弗有若得躋其巔采藥
隨軒后何必生羽翰始日出塵垢羨彼膽偏雄嗟余力
未厚願言資服食身輕離械杻騰空驂文螭遨遊騁神
牡石屋嘗往來高歌摘星斗

文殊院七夕

玉屏峯撐萬仞高峭壁摩空斷猿猴天都峙左蓮花右
諸峰環繞如臣僚偶拖枯藤踏奧窾雙壁上合難騰超
賴有飛梯置洞口如銜汲井憑空飄出洞別見一天地
傑閣崔嵬凌碧霄借問今夕是何夕黃姑帝女垂仙輅
嗟我離家將百里難薦碧藕同冰桃雲深咫尺成大海
長空捲起千丈潮須臾峰外露微月仰視玉宇纖雲消
雙星若肯許覲面何用烏鵲爲填橋忽思去年當此夕
瓜菓堂中詩酒豪慟栗亭家兄也今年獨坐萬峰頂披襟散髮
長呼號人生良會不易得俯視下界心怛怛乃知天上

有情亦不淺離別何能無鬱陶

鍊丹臺

黃海烟霞天下罕錯落芙蓉種常滿探奇更上鍊丹臺
倏忽驚看鑿混沌人傳軒后曾駐蹕甲子八週丹九轉
千年勝跡今猶存騎龍人去不復返我來不敢辨真贗
愛此蒼松生碧巘何年脫去世間塵下視紛華同海蜃
紫玉屏前夜坐深石牀峰上朝眠穩敢萌妄念希古人
願飽烟霞樂肥遯

登始信峰

呼吸應知近帝閭祇愁無路可攀援危梁縹緲松舒臂
狹徑紆迴石作門巧到盡頭神亦駭奇探絕頂佛忘尊

寒江子舊題名處惜與蒼虬兩不存

上多古松近為樵采殆盡江文石先

生題寒江子獨坐
五字今亦不存

石筍砭

山水無常形古今無定理造物好靈異乃孕此礪礪奇
哉石筍砭解籜深林裏拔地插千竿虛空攢萬指拄杖
幽壑中雙目不遑徙怪彼導遊人每以形象比或呼為
仙佛或呼為人鬼千仞列戈矛百尺突劔矢以此稱靈

奇殊失看山旨縹緲隱雲霞變幻分遠邇筆墨繪猶難
唇吻安能擬鬼斧鑿玲瓏神人驚且喜倘遇米顛來朝
夕應拜此踏遍六六峰于焉歎觀止

秋日宿雲舫尋得木蓮花一枝同人分賦

花開四五月間

余兩遊山一在暮春一在初秋

昔過白雲舫人歸花始開今攜黃海杖花落我方來久
想峰頭現何殊火裏栽奇緣真有幸尋得一枝回

禮磔庵禪師塔院

故給諫熊公諱開元

田衣一自換朝簪戍所都非舊武林

前朝建言遣戍武林衛

天下

已看秋雨滿山中未覺夕陽沉枯禪且坐餘生日尺土
難埋不死心一盞寒泉聊用薦松濤猶作怒龍吟

黃山七松行

所南畫蘭不畫土知其胸中別有故如何黃山山上松
不煩寸土相資助我來探奇扶瘦藤隨風吹向天門路
天門路傍逢兩樹迎送松左右列植嫺禮數一樹叉手迎
客來一樹拱揖送客去方知世外有凡情未向斷凡橋

上渡須臾十丈橫蒼龍

臥龍松

鱗甲森森飽烟霧奔雷掣

電呼不醒石罅中爲鼯臥處再轉蓮花峰麓過孤身破

石生狂怒

破石松

奮迅倏欲騰晴空欲離峭壁還回顧蒲

團橫挂平天

蒲團松

天然刻肖堪踈踞三尺松身百尺

枝萬折千盤恣軒翥捫蘿更躡始信峰路絕橋危阻遊

屨老松舒臂遙相援

接引松

駕空接引凌虛步壑中忽訝

翠雲飛

擾龍松

身依峰隙時偷覩盤旋空際一擾龍俯視

諸松盡臣度吁嗟乎茲山松樹奇無限七松自昔名尤

著殷勤再拜囑山靈好布祥雲長擁護

汪樹琪

睢州

黃山道中

林端紅漸深昨夜飛微霜我來值秋晴宿春十日糧且
未策瘦籐先較衣短長猿猱挂危嶂橘柚垂短墻遙睇
雲門峰出沒復何常

烟霞性所僻險艱豈畏經到此情更怡不覺雙足輕樹
頭葉蕭蕭澗底泉泠泠雞犬聲亦靜人家扉半扇須臾
夕陽下掩映溪光明

昏鴉逐陣來絕壁爭投集徑夾萬篔簹人影同一碧前
邨烟火起尚層几層石投宿響雪樓諸峰看歷歷

宿響雪樓贈程山人

百里仙源不斷流
夾溪紅葉染深秋
十年夢想黃山路
今日纔登響雪樓

由祥符寺尋宛花源諸勝

望去嶙峋盡削成
千盤石磴傍溪行
雲流澗底泉添白
霧宿松根葉倍清
紫石峰頭過鹿跡
朱砂洞口有猿聲
誅茅擬在浮丘頂
穩坐繩床看月生

慈光寺贈中洲和尚

爲踐探奇約崎嶇
不計程徑隨黃葉
轉身與白雲平林
氣侵衣重山光照
眼明塵懷銷已盡
何用說無生

耕雲峰

誰驅黃犢逐雲行
片片芙蓉種欲成
布穀春風吹不到

故教山樂

鳥名代催耕

文殊院洗先君子題壁

摩空四字勒雲根
渴虎獐龍氣欲吞
一段奇情存手蹟
故將血淚洗苔痕

宿獅子峰下

踏遍羣峰願不違
還披風帽戀斜暉
丹崖只許青猿臥
翠壁難容白鳥飛
月爲照松穿壑出
僧因採朮帶雲歸

携來襍被裝綿薄夜夜禪房借衲衣

獅子峰觀鋪海

雲濤幻起獅峰巔大地盡失惟青天羣山出沒等螺蛤
帆檣隱隱爭盤旋天吳鼓盪火輪出光含萬頃堯羅綿
東門立石勞遠駕蓬壺誰識當吾前山遊茲景觀不易
况復爽氣秋新鮮巖巒飽歷已過分觀海有願期他年
濤聲侵曉忽滿壑驅雲似借羲和鞭自非山水閑至性
安能幽討多奇緣登州海市盛春夏坡老之官時已遷
潛心默禱輒有見珠宮貝闕開雲烟我來鋪海值晴昊
異事驚倒相後先雲光疊湧海益闊島嶼變滅紛鈎連
浮槎遠矚如可卽尋源直欲追張騫

雲舫同雪莊師坐月

棲丘飲谷自清癯繪得奇花只獨娛老去烟霞能作伴
病來猿鶴肯相扶橫琴靜待三秋月採藥何須九節蒲
應笑雙松多禮數巖邊迎送苦拘拘

九龍潭觀瀑布

飛瀑挂龍潭層疊幾千尺皎皎日光射冥冥雲氣逼側
聞開光寺雙劍挺危壁青天白龍下雷霆紛闐擊那知

此潭上奇境稱勅敵久立毛髮竦絀翠欲滴

汪梁玳

禹裁

黃山道中

秋霽風光好山程引興長百泉爭赴竹幾樹半經霜野
鳥啼寒谷空亭散夕陽芙蓉何處是遙望影蒼蒼

登響雪樓贈程山人

蓮華萬朶碧重重百里來探策短筇未及攀躋先叫絕
疏牕開處露雙峰

潺潺古澗響秋泉曲折遙知下九天徹夜枕邊聲不斷

羨君無夢得安眠

狎狼閣

危閣何年構濤聲日夜喧藤飛橫水面樹古壓雲根噴
薄疑龍窟奔騰似海門乘桴應不異相對飲忘言

尋藥爐丹井

蕭蕭一徑白雲閑碧水澄清四面山却恠騎龍人去遠
常留丹竈在人間

文殊院見先君題壁有感

丹崖健筆勒何年露積苔封字已穿對此茫茫百端集

秋風灑淚萬峰巔

文殊院坐月

古院峙高空劃然天地別
蓮花與天都左右紛擘嶮
秋旻淨無雲皎皎懸新月
月移松影連泉流響曲折
襪被不成寐朔風吹欲雪

過皮篷晤雪莊上人

一山幽勝是皮篷况有琴聲響碧空
十載夢魂思老衲誰知今見一仙翁

閒情真與世相違

重浴湯泉

丹砂香暖不知寒毛羽翛然意更寬
浴罷振衣時一嘯風高林外響珊珊

黃山雜咏

家山縹緲勝蓬壺涉險無驚有杖扶
古木交陰藏月塔羣峰環翠拱天都
洞中猿鹿頻來往谷口烟霞乍有無
澗道餘寒渾不覺老僧門閉已圍鑪

身惹香砂入翠微禪房人靜掩雙扉
松懸峭壁根穿石

雲積空山翠滴衣百道清泉秋雪落一林丹葉夕陽飛
遊人到此思誰返榻借峰頭幸不違

汪薇

棣園

宋山秋日玉依禹裁叔季有黃山之遊口占小詩以壯

黃之游

憶昔山中迷霧雨悵恨佳遊老難補以此定知英妙遊
千峰萬峰開清秋踞險升高恣搜討山靈愛少不愛老
吾聞山後之奇勝山前願勿遲迴遺悔在他年

釋海濟

文博

蒲團松

黃山多奇松怪變千萬株枝柯獨盤鬱環蓋如團蒲軒
后不可作誰人此踟躕我心同稿木到來非故吾蒼翠
沁毛骨濕雲侵衣襦何時結一茅長坐叅文殊

青谷

迎送松

雲擁天門路雙松左右撐不知來復往幾度送還迎勝
地輸爲主空山自締盟笑他塵世客偃僂獨何情

蒼翠文殊院月夜觀鋪海

別院沉沉萬籟空雲端縱目氣鴻濛乍翻雪浪潮堪似

旋轟瓊樓蜃漫同五色殊光明滅裏千峰秀影有無中
蒼茫月白長天碧露濕涼生夜靜風

賦神題汪潛邨居士黃山採藥圖

卽次原韻

披圖大藥採黃山願荷長鑣伴往還只是君才抱匡濟
肯容耽坐翠微間

黃山多奇林對巖千奇林林時微露
黃山多奇林對巖千奇林林時微露

黃山多奇林對巖千奇林林時微露

